

御定全唐诗



全唐詩目 第六函

第三冊

劉禹錫

六卷至十二卷

全唐詩

劉禹錫

送春詞

昨來樓上迎春處今日登樓又送歸  
蘭榮殘妝含露泣柳條長袖一作向風揮  
佳人對鏡容顏改楚客臨江心事違  
萬古至今同此恨無如一醉盡忘機

送李尚書鎮滑州

自浙西觀察使徵拜兵部侍郎月餘有此拜也

南徐報政入文昌東郡須才別建章  
視草名高同蜀客擁旄年少勝荀一作周  
郎黃河一曲當城下緹騎千重照路傍  
自古相門還出相如今人望在巖廊

其後果繼韋平之族

送渾大夫赴豐州

自大鴻臚拜家承舊勳



鳳銜新詔降恩華又見旌旗出渾一作漢家故吏來辭辛屬  
國精兵願逐李輕車瓊裘君長迎風馭錦帶一作酋豪踏  
雪衝其奈明年好春日無人喚看牡丹花

送源中丞充新羅冊立使

侍中之孫

相門才子稱華簪持節東行捧德音身帶霜威辭鳳闕  
口傳天語到雞林煙開鰲背千尋碧日浴鯨波萬頃金  
想見扶桑受恩處一作後一時西拜盡傾心

送王司馬之陝州

自太常丞  
授工爲詩

暫輟清齋出太常空攜詩卷赴一作過甘棠府公既有朝中  
舊一作司馬應容酒後狂案牘來時唯署字風煙入興便  
成章兩京大道多遊客每遇詞人戰一場

洛中送楊處厚入關便遊蜀

一本有諸章  
合公四字

洛陽秋日正淒淒君去西秦更向西  
舊學三冬今轉富會傷六翮養初齊  
王城曉入一作窺丹鳳蜀路晴來一作見  
碧雞早識卧龍應有分不妨從此躡丹梯

送周使君罷渝州歸郢州別墅

君思郢上吟歸去故自渝南擲郡章  
野戍岸邊留畫舸綠蘿陰下一作到  
山莊池荷雨後衣香起一作庭草春深綬  
帶長只恐鳴騶催上道不容待得晚菘嘗

奉送浙西李僕射相公赴鎮

奉送至臨泉驛書札  
見徵拙詩時在汝州

建節東行是舊遊歡聲喜氣滿吳州  
郡人重得黃丞相童子爭迎郭細侯  
詔下初辭溫室樹夢中先到景陽樓

自憐不識平津閣，遙望旌旗汝水頭。

重送浙西李相公頃廉問江南已經七載後歷

滑一作清臺劍南兩鎮遂入相今復領舊地新加旌

旌

江北萬人看玉節，江南千騎引金饒。鳳從池上遊滄海，鶴到遼東識舊巢。城下清波含百谷，窻中遠岫列三茅。碧雞白馬回翔久，却憶朱方是樂郊。

送前進士蔡京赴學究科

時崔相公揚  
尚書掌選

耳聞戰鼓帶經鋤，振發聲名自里閭。已是世間能賦客，更攻窻下絕編書。朱門達者誰能識，絳帳書生盡不如。幸遇天官舊丞相，相知君無翼上空虛。

送唐舍人出鎮閩中

暫辭鴛鴦出蓬瀛  
忽擁貔貅鎮粵城  
閩嶺夏雲迎皂蓋  
建溪秋樹映紅旌  
山川遠地由來好  
富貴當年別有情  
了却人間婚嫁事  
復歸朝右一作閩作公卿

送李中丞赴楚州

緹騎朱旗入楚城  
士林皆賀振家聲  
兒童但喜迎賓守  
故吏猶應記姓名一作萬頃水田連  
郭秀四時烟月映  
淮清憶君初得崑山玉  
同向揚州攜手行

奉送李戶部侍郎自河南尹再除本官歸闕

昔年內署一作振雄詞  
今日東都結去思  
宮女猶傳洞簫賦  
國人先詠袞衣詩  
華星却復文昌位  
別鶴重歸太乙

池想到金閨待通

一作稱

籍一時驚喜

一作起

見風儀

送蘄州李郎中赴任

楚關

一作門

蘄水路非賒東望雲山日夕佳  
薤葉照人呈夏

簞松花滿盃試新茶樓中飲興因明月江上詩情爲晚

霞北地交親長引領早將元鬢到京華

送國子令狐博士赴興元覲省

相門才子高陽族學

一作才

省清資五品官諫院過時榮祿

萼謝庭歸去踏芝蘭山中花帶煙嵐

一作霞

晚棧底江涵雪

水寒伯仲到家人盡賀柳營蓮府遞相歡

送李二十九兄員外赴邠寧使幕

家襲韋平身

一作生

業文素風清白至今貧南宮通籍新郎

吏西候

一作族

從戎舊主人城外草黃秋有雪烽頭煙靜虜

無塵鼎門爲別霜天曉曠

一作利

把離觴三五巡

送分司陳郎中祗召直史館重修三聖寶錄

蟬鳴官樹引行車言自成周赴王除遠取南朝貴公子

重修東觀帝王

一作皇

書常時載筆窺金匱暇日登樓到石

渠若問舊人劉子政如今白首在南徐

一作頭白  
任商於

送慧則法師歸上都因呈廣宣上人

并引師  
精淨名經

佛示滅後大弟子演聖言而成經傳心印曰法承

法而能專曰宗由宗而分教曰支坐而攝化者勝

義皆空之宗也行而宣教者摧破邪山之支也釋

子慧則生於像季思濟劫溺乃學於一支開彼羣

迷以爲盡妙理者莫如法門變凡夫者莫如佛土  
悟無染者莫如散花故業於淨名深達寶相自京  
師涉漢沔歷鄢郢登衡湘聽徒百千耳感心化法  
無住道行而歸顧予有社內之因故言別之日愛  
緣警起時也秋盡詠江淹雜擬以送之前見宣上  
人爲我致謝

昨日東林

一作

看講時都人象

一作

馬蹋琉璃雪山童子應

前世金粟如來是本師一錫言歸九城路三衣

一作

曾拂

萬年枝休公久別如相問楚客逢秋心更悲

送義舟師却還黔南

并引

黔之鄉在秦楚爲爭地近世人多過言其幽荒以



談笑聞者又從而張皇之猶夫東蘊逐原燎或近  
乎語妖適有沙門義舟道黔江而來能畫地爲山  
川及條其風俗纖悉可信且曰貧道以一錫遊他  
方眾矣至黔而不知其遠始遇前節使而聞今節  
使益賢而文故其佐多才士麾圍之下曳裾秉筆  
彬彬與兔園同風蕃僧以外學嗜篇章時或攝衣  
爲末至客其來也約主人乘秋風而還今乞詞以  
颺之如捧意珠行住坐卧知相好耳余曰唯命筆  
爲七言以應之

黔江秋水浸雲霓獨泛慈航路不迷  
緩狖窺齋林葉動蛟龍聞咒浪花低  
如蓮半偈心常悟問菊新詩手自攜

常說摩圍似靈鷲却將山屐上丹梯

送景元師東歸

并引

廬山僧景元袖詩一幅來謁往往有句輕而道如  
鶴雛襪襪未有六翮而步舒視遠憂然一嘆乃非  
泥滓間物獻詩已斂衽而辭且曰其來也與故山  
秋爲期夫丐者僧事也今無他請唯文是求故賦  
一篇以代瓔珞耳

東林寺裏一沙彌心愛當時才子詩山下偶隨流水出  
秋來却赴白雲期灘頭躡屐挑沙菜路上停舟讀古碑  
想到舊房拋一作錫杖小松應有過簷枝

漢壽城春望

古荊州刺史治亭其下有子胥廟兼卷王故墳

漢壽城邊野草春，荒祠古墓對荆榛。  
田中牧豎燒芻狗，陌上行人看石麟。  
華表半空經霹靂，碑文纔見滿埃塵。  
不知何日東瀛變，此地還成要路津。

荆門一作

道懷古

南國山川舊帝畿，宋臺梁館尚依稀。  
馬嘶古道一作

行人

歇麥秀空城野

一作

雉飛風吹落葉填宮井，火入荒陵

一作

一作化寶衣，徒使詞臣庾。開府咸陽終日苦思歸。

朗州竇員外見示與澧州元郎中郡齋贈答長

句二篇，因以繼和

鴛鴦差池出建章，綵旗朱戶蔚

一作

相望，新恩共理犬牙

地，昨日同舍雞舌香。白芷江邊分驛路，山桃蹊外接甘

棠應憐一罷金閨籍枉渚逢春

一作想遠

十度傷

早春對雪奉寄澧州元郎中

新賜魚書墨未乾賢人暫出遠人安朝驅旌施行時令

夜見星辰憶舊官梅榮覆堦鈴閣暖雪峰當戶戟枝寒

寧知楚客思公子北望長吟澧有蘭

寶朗州見示與澧州元郎中早秋贈荅

一作命同

南園山作

一作荅

鄰境諸侯同舍郎芷江蘭浦恨無梁秋風門外旌旗動

曉露庭中橘柚香玉簫微涼宜白晝金笳入暮應清商

騷人昨夜聞鸚鵡

一作啼

不歎流年惜眾芳

松滋渡

一作詞

望峽中

渡頭輕雨灑寒梅雲際溶溶雪水來夢渚草長迷楚望  
夷陵土黑有秦灰巴人淚應猿聲落蜀客船從鳥道回  
十二碧峰何處所永安宮外是一作荒臺

衢州徐員外使君遽以縞紵兼竹書箱因成一

篇用答佳貺

按此郡本自婺州析置徐州自白州遷

爛柯山下舊仙郎列宿來添婺女光遠放歌聲分白紵  
知傳家學與青箱水朝滄海何時去蘭在幽林亦自芳  
聞說天台有遺愛人將琪樹比甘棠

唐秀才贈端州紫石硯以詩答之

端州石硯人間重贈我因知正草元闕里廟堂空舊物  
開方竈下豈天然玉蝓吐水霞光靜綵翰搖風絳錦鮮

此日傭工記名姓因君數到

致

墨池前

覽董評事思歸之什因以詩贈

幾年油幕佐征東却泛滄浪狎釣童歌枕醉眠成戲蝶

抱琴閑望送歸鴻文儒自襲膠西相倚伏

一作

能齊塞上

翁更說扁舟動鄉思青菰已熟奈秋風

謝寺雙檜

揚州法雲寺鎮西宅古檜存焉

雙檜蒼然古貌竒含煙吐霧鬱參差晚依禪客當金殿

初封將軍映畫旗龍象界中成寶蓋鴛鴦瓦上出高枝

長明燈是前朝焰曾照青青年少時

寄揚州

一作

八壽州

風獵紅旗入壽春滿城歌舞向朱輪八公山下清淮水

千騎塵中白面人，桂嶺雨餘多鶴迹。  
茗園晴望似龍鱗，聖朝方用敢言者。  
次第應須舊諫臣。

洛中寺北樓見賀監草書題詩

高樓賀監昔曾登，壁上筆蹤龍虎騰。  
中國書流尙一作皇

象北朝文士重，徐陵偶因獨一作見空。  
驚目恨不同時便

伏膺唯恐塵埃轉，磨滅再三珍重囑山僧。

韓賓擢第歸覲以詩美之兼賀韓十五曹長

時韓牧永州

零陵香草滿郊坰，丹穴雛飛入翠屏。  
孝若歸來成一作畫

讚，孟陽別後有山銘。  
蘭陔舊地花一作多，纔結桂樹新枝色

更一作尚青爲報儒林丈人，道如今從此鬢星星。



宣上人遠寄和禮部王侍郎放榜後詩因而繼

和

禮闈新榜動長安  
九陌人人走馬看  
一日聲名遍天下  
滿城桃李屬春官  
自吟白雪詮詞賦  
指示青雲借羽翰  
借問至公誰印可  
交即天<sub>一作大</sub>眼定中觀

大蘇詩贈東嶽張鍊師

再三

東嶽真人張鍊師  
高情雅淡世間稀  
堪爲列女書青簡  
久事元君住翠微  
金縷機中拋錦字  
玉清臺<sub>一作壇</sub>上著霓衣  
雲衢不要吹簫伴  
只擬乘鸞獨自飛

秘書崔少監見示墜馬長句因而和之

麟臺少諫舊仙郎  
洛水橋邊墜馬傷  
塵污腰間青襪綬

風飄掌上紫遊韉上車著作應來問折臂三公定送方  
猶賴德全如醉者不妨吟詠入篇章

寄楊虢州與之舊姻

避地江湖知幾春今來本郡擁朱輪阮郎無復里中舊  
楊僕却爲關外人各繫一官難命駕每懷一作追前好易沾  
巾玉城山裏多靈藥擺落功名且養神

秋日題寶員外崇德里新居

寶員外判度支案

空因感幸

長愛街西風景閑到君居處暫一作便開顏清光門外一渠  
水秋色墻頭數點山疎種碧松通一作過月朗多栽紅藥待  
春還莫言堆案無餘地認得詩人在此間

蒙恩轉儀曹郎依前充集賢學士舉韓潮州自

代因寄七言

翔鸞闕下謝恩初通籍由來在石渠暫入南宮判祥瑞  
還歸內殿閱圖書故人猶在三江外同病凡經二紀餘  
今日薦君嗟久滯不惟文體似相如

途次華州陪錢大夫登城北樓春望因覩李崔  
令狐三相國唱和之什翰林舊侶繼踵華城山  
水清高鸞鳳翔集皆忝宿眷遂題此詩

城樓四望出風塵見盡關西渭北春百二山河雄一作上  
國一雙旌旒委名臣壁中今日題詩處一作天上同時草  
詔人莫怪老郎呈濫吹宦途雖別舊情親

始聞秋風

昔看黃菊與君別，今聽元蟬我却回。  
五夜颼颼枕前覺，一年顏狀鏡中來。  
馬思邊草拳毛動，鵬眄青雲睡眼開。  
天地肅清堪四望，爲君扶病上高臺。

洛中初冬拜表有懷上京故人

鳳樓南面控三條，拜表郎官早渡橋。  
清洛曉光鋪碧簾，上陽霜葉剪紅綃。  
省門簪組初成列，雲路鴛鸞想退朝。  
寄謝慇懃九天侶，搶榆水擊各逍遙。

尉遲郎中見示自南遷率復却至洛城東舊居之作因以和之

曾遭飛語十年謫，新受恩光萬里還。  
朝服不妨遊洛浦，郊園依舊看一作嵩山。  
竹含天籟清商樂，水遶庭臺碧玉

環留作功成退身地如今只是暫時閑

洛中酬福建陳判官見贈

潦倒聲名擁腫材一生多故苦邇迴南宮舊籍遙相管

東洛閑

一作閑

門晝未開靜對道流論藥石偶逢詞客與瓊

瑰怪君近日文鋒利新向延平看劍來

和蘇十郎中謝病閑居時嚴常侍蕭給事同過

訪歎初有二毛之作

清羸隱几望雲空左掖鸞鸞到室中一卷素書消永日

數莖斑髮

一作髮

對秋風菱花照後容雖改著草占來命已

通莫怪人人驚早白綠君尙是黑頭翁

酬淮南廖參謀秋夕見過之作

林公昔爲揚州從事參謀從釋子反初服

揚州從事夜相尋無限新詩月下吟初服已驚一作經元髮

長高情猶向碧一作白雲深語餘時舉一杯酒坐久方聞四

數一作處砧不逐繁華訪閑散知君擺落俗人心

題王郎中宣義里新居

愛君新買街西宅客到如遊鄴社間雨後退朝貪種樹  
申時出省趨看山門前巷陌三條近牆內池亭萬境閑  
見擬移居作鄰里不論時節請開關

酬朗州崔員外與任十四兄侍御同過鄙人舊

居見懷之什時守吳郡

昔日居鄰招屈亭楓林橘樹鷓鴣聲一辭御苑青門去  
十見蠻江白芷生自此曾沾宣室召如今又守闔閩城

何人萬里能相憶同舍仙郎與外兄

任侍銜余外兄崔員外南宮同官

劉駙馬水亭避暑

千竿竹翠數蓮紅水閣虛涼玉簟空琥珀琰紅

一作烘

疑漏

瀉

酒水晶簾瑩

一作密

更通風賜冰滿盃沈朱實法饌盈盤

覆碧籠盡日逍遙避

一作却

煩暑再三珍重主人翁

述舊賀遷寄陝虢孫常侍

南宮左輔兩處交代

南宮幸襲芝蘭後左輔曾交印綬來多病未離清洛苑  
新恩已歷望仙臺關頭古塞桃林靜城下長河竹箭回  
聞說隨車有零雨此時偏動子荆才

江陵嚴司空見示與成都武相公唱和因命同

作



南荆西蜀大行臺幕府旌門相對開名重三司平水土  
威雄八陣役風雷彩雲朝望青城起錦浪秋經白帝來  
不是郢中清唱發誰當丞相挾天才

廟庭偃松詩

并序

侍中後閣前有小松不待年

一作

而偃丞相晉公爲

賦詩美其猶龍蛇然植于高檐喬木間上嵌旁軋  
盤蹙傾亞似不得天和者公以遂物性爲意乃加  
憐焉命畚土以壯其趾使無歌索絢以牽其幹使  
不仆盥漱之餘以潤之顧眄之輝以照之發於仁  
心感召和氣無復天閔坐能敷舒歸之跼蹙化爲  
竒古故雖表丈而有偃號焉予嘗詣問白事公爲

道所以且示以詩竊感嘉木之逢時斐然成詠

勢軋枝偏根已危高情一見與扶持忽從顛頓有生意  
却爲離披無俗姿影入巖廊行樂處韻含天籟宿齋時  
謝公莫道東山去待取一作陰成滿鳳池

贈致仕滕庶子先輩

時及第人  
中最老

朝服歸來晝錦榮登科記上更無兄

一作名

壽觴每使

一作許曾

孫獻勝境長攜眾妓行鑣鑣據鞍時

一作能

騁健殷勤把酒

尙多情凌寒却向山陰去衣繡郎君雪裏行

一作迎時介子  
爲御史主務在

越中

哭呂衡州時予方謫居

一夜霜風凋玉芝蒼生望絕士林悲空懷濟世安人畧

不見男婚女嫁時遺草一函歸太史旅一作孤墳二尺近要

離朔方徙歲行當滿一作晚欲爲君刊第二碑

夔州實員外使君見示悼妓詩願余嘗識之一作面

今日因命同作

前年曾見兩鬢時今日驚吟悼妓詩鳳管學成知有籍  
龍媒欲換歎無期空廊月照常行地後院花開舊折枝  
寂寞魚山青草裏何人更立智瓊祠

寶夔州見寄寒食日憶故姬小紅吹笙因和之

鸞聲窈眇管參差清韻初調眾樂隨幽院妝成花下弄

高樓月好夜深吹忽驚暮雨一作樓飄零盡唯有朝雲夢想

期間道今年寒食日東山舊路獨行遲

哭龐京兆

少年有俊氣常  
擢制科之首

俊骨英才氣衰然策名飛步冠羣賢逢時已自致高位  
得疾一作病還因倚少年天上別歸京兆府人間空數一作歎茂  
陵阡今朝總帳哭君處前日見鋪歌舞筵

送李庚先輩赴選

一家何啻十朱輪諸父雙飛秉大鈞曾脫素衣叅幕客  
却爲精舍讀書人離筵雒水侵杯色征路函關向晚塵  
今日山公舊賓主一作居  
賓主話知君不負帝城春

陽山廟觀賽神

梁松南征至此遂  
爲其神在朗州

漢家都尉舊征蠻血食如今配此山曲蓋幽深蒼檜下  
洞簫愁絕一作  
籟翠屏間荆巫脉脉傳神語野老娑娑一作  
娑起

醉顏日落風生窻門外幾人連蹋竹歌還

送僧元嵩東遊

并序

予策名二十年百慮而無一得然後知世所謂道無非畏途唯出世間法可盡心耳繇是在席硯

一作硯

者多旁行四句之書備將迎者皆赤髭白足之侶深入智地靜通還源客塵覲盡妙氣來宅內視胸中猶煎鍊然開士元嵩姓陶氏本丹陽名家世有人爵不藉其資於毘尼禪那極細密之義於初中後日習總持之門妙音奮迅願力昭答雅聞予事佛而佞亟來相從或問師槩形之自對曰小失怙恃推棘心以求上乘積四十年有羸老將至而不

懈始悲浚泉之有冽今痛防墓之未遷塗芻莫備  
薪火恐滅諸相皆離此心長懸雖萬姓歸佛盡爲  
釋種如河入海無復水名然具一切智者豈惟遺  
百行求無量義者寧容斷聞思今聞南諸侯雅多  
大士思扣以苦調而希其末光無容至前有足悲  
者予聞是說已力不足而悲有餘因爲詩以送之  
庶乎踐霜露者聽一作之有惻

寶書翻譯學初成振錫如飛白足輕彭澤因家凡幾世  
靈山預會是前生傳燈已悟無爲理濡露猶懷罔極情  
從此多逢大居士何人不願解珠璣

浮杯萬里過滄溟，遍禮名山適性靈。一作深夜降龍潭水，一作黑新秋放鶴野田。青身無彼我那懷土，心會真如不讀經。爲問中華學道者，幾人雄猛得寧馨。

送元簡上人適越

孤雲出岫本無依，勝境

一作

名山卽是歸。久向吳門遊好

寺，還思越水洗塵機。浙江濤驚獅子吼，稽嶺峰疑靈鷲

飛，更入天台石橋去。

一作

垂珠璀璨拂三衣。

送宗密上人歸南山草堂寺因謁河南尹白

侍郎

宿習修來得慧根，多聞第一却忘言。自從七祖傳心印，

不要三乘入便門。東泛滄江

一作

浪，尋古跡西歸紫閣出塵



喧河南白尹大檀越好把真經相對翻

西塞山懷古

西晉

一作壽

樓船下益州金陵王氣黯

一作漢

然收千尋鐵鎖沈

江底一片降旛出石頭人世幾回傷往事

一作荒苑至今生茂草

山形

依舊枕江

一作寒

流今逢

一作從今

四海爲家日故壘蕭蕭蘆荻秋

一作而今四海歸皇化兩岸蕭蕭蘆荻秋

廣宣上人寄在蜀與韋令公唱和詩卷因以令

公手札荅詩示之

碧雲佳句从傳芳曾向成都住草堂振錫常過長者宅

披衣

一作文

猶帶合公香一時風景添詩思八部人天入道

場若許相期同結社吾家本自有柴桑

全唐詩

劉禹錫

白舍人自杭州寄新詩有柳色春藏蘇小家之句因而戲酬兼寄浙東元相公

錢塘山水有奇聲暫謫仙官領百城  
女妓還聞名小小使君誰許喚卿卿  
鼉驚震海風雷起蜃鬪嘔天樓閣成  
莫道騷人在三楚文星今向斗牛明  
春日書懷寄東洛白二十二楊八二庶子

曾向空門學坐禪如今萬事盡忘筌  
眼前名利同春夢醉裏風情敵少年  
野草芳菲紅錦地遊絲撩亂碧羅天  
心知洛下閑才子不作詩魔即酒顛

白舍人見酬拙詩因以寄謝

雖陪三品散班中  
資歷從來事不同  
名姓也曾鐫石柱  
詩篇未得上屏風  
甘陵舊黨凋零盡  
魏闕新知禮數崇  
煙水五湖如有伴  
猶應堪作釣魚翁

白舍人曹長寄新詩有遊宴之盛因以戲酬

蘇州刺史例能詩  
西掖今來替左司  
二入城門開道路  
五千兵馬引旌旗  
水通山寺笙歌去  
騎過虹橋劍戟隨  
若共吳王鬪百草  
不如應一作程是欠西施

蘇州白舍人寄新詩有歎早白無兒之句因以

贈之

莫嗟華髮與無兒  
却是人間一作生久遠期  
雪裏高山頭白

早海中仙果子生遲于公必有高門慶謝守何煩曉鏡

悲幸免如新分非淺祝君長詠夢熊詩

高山本高子月使之高義故蘇古之詩流曉此

酬樂天揚州初逢席上見贈

巴山楚水淒涼地二十三年棄置身懷舊空吟聞蘧賦  
到鄉翻似爛柯人沈舟側畔千帆過病樹前頭萬木春  
今日聽君歌一曲暫憑杯酒長精神

罷郡歸洛途次山陽留辭郭中丞使君

自到山陽不許辭高齋日夜有佳期管弦正合看書院  
語笑方酣各詠詩銀漢雪晴褰翠幕清淮月影落金卮  
洛陽歸客明朝去容趣城東花發時

楚州開元寺北院枸杞臨井繁茂可觀羣賢賦

詩因以繼和

僧房藥樹依寒井井有香泉樹有靈翠黛葉生籠石甃  
殷紅子熟照銅瓶枝繁本是仙人杖根老新成瑞犬形  
上品功能甘露味還知一勺可延齡

和樂天鸚鵡

養來鸚鵡精初紅宜在朱樓繡戶中頻學喚人緣性慧  
偏能識主爲情通斂毛睡足難銷日蹣翅愁時願見風  
誰遣聰明好顏色事須安置入深籠

洛中逢白監同話遊梁之樂因寄宣武令狐相

公

曾經謝病各遊梁今日相逢憶孝王少有一身兼將相

更能四面占文章開顏坐上催飛蓋廻首庭中看舞槍  
借問風前兼月下不知何客對胡牀

河南王少尹宅燕張常侍白舍人兼呈盧郎中

李員外二副使

將星夜落使星來三省清臣到外臺事重各倚天子詔  
禮成同把故人盃捲簾松竹雪初霽滿院池塘春欲回  
第一林亭迎好客殷勤莫惜玉山頽

和宣武令狐相公郡齋對新竹

新竹翛翛韻曉風隔窗依砌尙蒙籠數間素壁初開後  
一段清光入坐中欹枕閑看知自適含毫朗詠與誰同  
此君若欲長相見政事堂東有舊叢

和樂天送鶴上裴相公別鶴之作

昨日看成送鶴詩高籠提出白雲司  
朱門乍入應迷路  
玉樹容棲莫揀枝  
雙舞庭中花落處  
敷聲池上月明時  
三山碧海不歸去  
且向人間呈羽儀

禁漏晨鐘聲欲絕  
旌旗組綬影相交  
殿含佳氣當龍首

閣倚晴天見鳳巢  
山色葱籠丹檻外  
霞光泛濫翠松梢  
多慙再入金門籍  
不敢爲文學解嘲

和樂天以鏡換酒

把取菱花百鍊鏡  
換他竹葉十旬杯  
嶺肩厭老終難去  
蘸甲須歡便到來  
妍醜太分迷忌諱  
松喬俱傲絕嫌猜

校量功力相千萬好去從空白玉臺

同樂天送河南馮尹學士

可憐五

一作

馬風流地暫輟金貂侍從才閣上掩書劉向

去門前修刺孔融來

馬自館閣出  
爲河南尹

嶠陵路靜寒無雨洛水

橋長晝起雷共

一作

羨府中棠棣好先於城外百花开

時云  
信

四人竝以顯官  
居雜士宗榮之

同白二十二贈王山人

愛名之世忘名客多事之時無事身古老相傳見來久  
歲年雖變貌常新飛章上達三清路受錄平交五嶽神  
笑聽鞞鞞朝暮鼓只能催得市朝人

題集賢閣



鳳池西畔圖書府玉樹玲瓏景氣閑長聽餘風送天樂  
時登高閣望人寰青山雲繞欄干外紫殿香來步武間  
曾是先賢翔集地每看壁記一慙顏

和令狐相公初歸京國賦詩言懷

凌雲羽翮挾天才揚一作歌歷中樞與外臺相印昔辭東閣

去將星還拱北辰來殿庭捧日影纓入閣道看山曳履  
回口不言功心自適吟詩釀酒待花開

和樂天南園試小樂

閑步南園煙雨晴遙聞絲竹出牆聲欲拋丹筆三川去  
先教清商一部成花木手栽偏有興歌詞自作別生情  
多才遇景皆能詠當日人傳滿鳳城

答樂天戲贈

才子聲名白侍郎風流雖老尚難當詩情逸似陶彭澤  
齋日多如周太常矻矻將心求淨法時時偷眼看春光  
知君技癢思歆讌欲倩天魔破道場

同樂天送令狐相公赴東都留守

自戶部  
尚書拜

尚書劍履出明光君守旌旗赴洛陽世上功名兼將相  
人間聲價是文章衙門曉闢分天仗賓幕初開辟省郎  
從發坡頭向東望春風處處有甘棠

自奉陵至河  
南皆故林也

刑部白侍郎謝病長告改賓客分司以詩贈別  
鼎食華軒到眼前拂衣高謝豈徒然九霄路上辭朝客  
四皓叢中作少年他日卧龍終得雨今朝放鶴且冲天

洛陽舊有衡節在亦擬拙身伴地仙

和留守合狐相公答白賓客

多隴

一作  
龕

和風吹樹枝商山逸客出關時身無拘束起長

晚路足交親行自遲官拂象筵終日待私將雞黍幾人  
期君來不用飛書報萬戶先從紙貴知

酬鄆州令狐相公官舍言懷見寄兼呈樂天

詞人各在一涯居聲味雖同跡自疎佳句傳因多好事  
尺題稀爲不便書已通戎略逢黃石仍占星文耀碧虛  
聞說朝天在來歲霸陵春色待行車

吟白樂天哭崔兒二篇愴然寄贈

吟君苦調我霑纓能使無情盡有情四望車中心未釋

千秋亭下賦初成  
庭梧已有棲雛處  
池鶴今無子和聲  
從此期君比瓊樹  
一枝吹折一枝生

答樂天所寄詠懷且釋其枯樹之歎

衙前有樂饌常精  
宅內連池酒任傾  
自是官高無狎客  
不論年長少歡情  
驪龍領被探珠去  
老蚌脰還應月生  
莫羨三春桃與李  
桂花成實向秋榮

赴蘇州酬別樂天

吳郡魚書下紫宸  
長安廐吏送朱輪  
二南風化承遺愛  
八詠聲名躡後塵  
梁氏夫妻爲寄客  
陸家兄弟是州民  
江城春日追遊處  
共憶東歸舊主人

福先寺雪中酬別樂天

龍門賓客會龍宮東去旌旗駐上東二八笙歌雲幕下  
三千世界雪花中離堂未暗排紅燭別曲舍淒颺晚風  
才子從今一分散使將詩詠向吳儂

和樂天耳順吟兼寄敦詩

吟君新什慰蹉跎屈指同登耳順科鄉禹功成三絕事  
孔融書就八年多已經將相誰能爾拋却丞郎爭奈何  
獨恨長洲數千里且隨魚鳥泛煙波

和白侍郎送令狐相公鎮太原

十萬天兵貂錦衣晉城風日斗生輝行臺僕射深恩重  
從事中郎舊路歸鑿鼓蹙成汾水浪閃旗驚斷塞鴻飛  
邊庭自此無烽火擁節還來坐紫微

酬樂天見寄

元君後輩先零落，崔相同年不少留。  
華屋坐來能幾日，夜臺歸去便千秋。  
背時猶自居三品，三川吳郎品同得老終須卜。

一邱

投老之日願  
與樂天爲鄰

若使吾徒還早達，亦應簫鼓入松楸。

樂天寄重和晚達冬青一篇，因成再答

風雲變化饒年少，光景蹉跎屬老夫。  
秋隼得時凌汗漫，寒龜飲氣受泥塗。  
東隅有失誰能免，北叟之言豈便無。  
振臂猶堪呼一擲，爭知掌下不成盧。

河南白尹有喜崔賓客歸洛兼見懷長句因而

繼和

幾年侍從作名臣，却向青雲索得身。  
朝士忽爲方外士，

主人仍是眼中人，雙鸞遊處天京好。  
五馬行時海嶠春，遙羨光陰不虛擲。  
肯令絲竹暫生塵。

和楊師臯給事傷小姬英英

見學胡琴見藝成，今朝追想幾傷情。  
撚弦花下呈新曲，放撥燈前謝改名。  
但是好花皆易落，從來尤物不長生。  
鸞臺夜直衣衾冷，雲雨無因入禁城。

和樂天洛下醉吟寄太原令狐相公兼見懷長

句

舊相臨戎非稱意，詞人作尹本多情。  
從容自使邊塵靜，談笑不聞桴鼓聲。  
章句新添塞下曲，風流舊占洛陽城。  
昨來亦有吳趨詠，惟寄東都與北京。

郡齋書懷寄江南白尹兼簡分司崔賓客

設讀書三十車年年爲郡老天涯一生不得文章力  
百口空爲飽煖家綺季衣冠稱鬢面吳公政事副詞華  
還思謝病吟歸去同醉城東桃李花

題于家公主舊宅

樹繞荒臺葉滿池簫聲一絕草蟲悲鄰家猶學宮人髻  
園客爭偷御果枝馬埒蓬蒿藏狡兔鳳樓煙雨嘯愁鴟  
何郎獨在無恩澤不似當初傅粉時

酬樂天見貽賀金紫之什

久學文章含白鳳却因政事賜金魚郡人未識聞謠詠  
天子知名與詔書珍重賀詩呈錦繡願言歸計竝園廬



舊來詞客多無位金紫同遊誰得如

樂天見示傷微之敦詩晦叔三君子皆有深分

因成是詩以寄

吟君歎逝雙絕句使我傷懷奏短歌世上空驚故人少  
集中惟覺祭文多芳林新葉催陳葉流水前波讓後波  
萬古到今同此恨聞琴淚盡欲如何

和樂天柘枝

柘枝本出楚王家玉面添嬌舞態奢一作鬢鬢改梳鸞鳳

髻新衫別織鬪雞紗鼓催殘拍腰身軟汗透羅衣雨點

花畫筵曲罷辭歸去一作畫席曲殘辭別去便隨王母上煙霞

和樂天題真娘墓

蒼苔林中黃土堆羅襦繡黛已成灰芳魂雖死人不怕  
蔓草逢春花自開幡蓋向風疑舞袖鏡燈臨曉似妝臺  
吳王嬌女墳相近一片行雲應往來

東門客有話汴州新政書事寄令狐相公

天下咽喉今大寧軍城喜氣徹青冥庭前劔戟朝迎日  
筆底文章夜應星三省壁中題姓字萬人頭上見餞形  
汴州忽復承平事正月看燈戶不扃

令狐相公見示河中楊少尹贈答兼命繼之

兩首新詩百字餘朱弦玉磬韻難如漢家丞相重徵後  
梁苑仁風一變初四面諸侯瞻節制八方通貨溢河渠  
自從卻一作却穀爲元帥大將歸來盡把書

和令狐相公送趙常盈鍊師與中貴人同拜嶽  
及天台投龍畢却赴京

銀璫謁者引蜺旌霞帔仙官到赤城白鶴迎來天樂動  
金龍擲下海神驚元君伏奏歸中禁武帝親齋禮上清  
何事夷門請詩送梁王文字上聲名

酬令狐相公贈別

越聲長苦有誰聞老向湖山與楚雲海嶠新辭永嘉守  
夷門重見信陵君田園松菊今迷路霄漢鴛鴻久絕羣  
幸遇甘泉尚詞賦不知何客薦雄文

酬令狐相公寄賀遷拜之作

遶迴二紀重爲郎洛下邇分列宿光不見當關呼早起

曾無侍史與焚香  
三花秀色通春幌  
十字清波遶宅牆  
白髮青衫誰比數  
相憐只是有梁王

相公昔以大僚分司  
故有同病相憐之句

夏日寄宣武令狐相公

長憶梁王逸興多  
西園花盡興如何  
近來溽暑侵亭館  
應覺清談勝綺羅  
境入篇章高韻發  
風穿號令眾心和  
承明欲謁先相報  
願拂朝衣逐曉珂

酬令狐留守廵內至集賢院見寄

仙院文房隔舊宮  
當時盛事盡成空  
墨池半在頽垣下  
書帶猶生蔓草中  
廵內因經九重苑  
裁詩又繼二南風  
爲兄手寫殷勤句  
遍歷三台各一通

和令狐相公言懷寄河中楊少尹

章句慙非第一流世間才子昔陪遊吳宮已歎芙蓉死

張司業詩云吳宮四面秋  
江水天清露白芙蓉死

邊月空悲蘆管秋李書任向洛陽稱傲

吏分可白  
負石

苦教河上領諸侯天年

石渠甘對圖書老關外楊

公安穩不

令狐相公自天平移鎮太原以詩申賀

相公昔爲  
并州從事

北都留守將天兵出入香

一作天

街宿禁扇鞞鼓夜聞驚朔

鴈旌旗曉動拂參星孔璋舊檄家家有叔度新歌處處

聽夷落遙知真漢相爭來屈膝看儀刑來

重酬前寄

邊烽寂寂盡收兵宮樹蒼蒼靜掩扇戎羯歸心如內地

天狼無角比凡星新成麗句開織後便入清歌滿坐聽

吳苑晉祠遙望處可憐南北太

一作

相形

令狐相公自太原累示新詩因以酬寄

飛蓬卷盡塞雲寒戰馬閑嘶漠地寬  
萬里胡天無警急一籠烽火報平安  
燈前妓樂留賓宴雪後山河出獵看  
珍重新詩遠相寄風情不似四登壇

酬令狐相公使宅別齋初栽桂樹見懷之作

清淮南岸家山樹黑水東邊第一栽  
影近畫梁迎曉日香隨綠酒入金杯  
根留本土依江潤葉起寒稜映月開  
早晚陰成比梧竹九霄還放綵雛

一作  
鳴來

酬令狐相公見寄

才兼文武播雄名遺愛芳塵滿洛城  
身在行臺爲僕射

書來用里訪先生閑遊占得嵩山色醉卧高聽洛水聲  
千里相思難命駕七言詩裏寄深情

郡內書情獻裴侍中留守

功成頻獻乞身章擺落襄陽鎮洛陽萬乘旌旗分一半  
八方風雨會中央兵符今奉黃公略書殿曾隨翠鳳翔  
心寄華亭一雙鶴日陪高步繞池塘

酬樂天衫酒見寄

酒法衆傳吳米好舞衣偏尙越羅輕動搖浮蟻香濃甚  
裝束輕鴻意態生閑曲定知能自適舉杯應歎不同傾  
終朝相憶終年別對景臨風無限情

自左馮歸洛下酬樂天兼呈裴令公

新恩通籍在龍樓分務神都近舊邱自有園公紫芝侶

時賓行四人  
盡在洛中

仍追少傅赤松遊華林霜葉紅霞晚伊水晴光

碧玉秋更接東山文酒會始知江左未風流

王儉云江左風流  
宰相惟有謝安

一日秋齋獨坐寄樂天兼呈吳方之大夫

空齋寂寂不生塵藥物方書繞病身纖草數莖勝靜地

幽禽忽至似佳賓世間憂喜雖無定釋氏銷磨盡有因

同向洛陽閑度日莫教風景屬他人

開門共和樂天齋戒月滿夜對道場偶懷詠

常修清淨去繁華入識王城長者家案上香煙鋪貝葉

佛前燈焰透蓮花持齋已滿招閑客理曲先聞命小娃

明日若過方丈室還應問爲法來邪



吳方之見示獨酌小醉首篇樂天續有訓答皆  
含戲謔極至風流兩篇之中竝蒙見屬輒呈濫  
吹益美來章

閑門共寂任張羅靜室同虛養太和塵世散娛開意少  
醉鄉風景獨遊多散金疏傅尋常樂枕麴劉生取次歌  
計會雪中爭挈榼鹿裘鶴筆遞相過

酬樂天齋滿日裴令公置宴席上戲贈

一月道場齋戒滿今朝華幄管弦迎銜杯本自多狂態  
事佛無妨有佞名酒力半酣愁已散文鋒未鈍老猶爭  
平陽不獨容賓醉聽取喧呼吏舍聲

酬樂天偶題酒瓮見寄

從一作是君勇斷拋名後世路榮枯見幾回門外紅塵人自

走瓮頭清酒我初開三冬學任胸中有萬戶侯須骨上

來何宰相招同醉處洛陽城裏好池臺

酬樂天請裴令公開春加宴

高名大位能兼有恣意遨遊是特恩二室煙霞成步障

三川風物是家園長窺苑樹韶光動晚度河橋春思繁

弦管常調客常滿但逢花處即開樽

樂天示過敦詩舊宅有感一篇吟之泣然追想

昔事因成繼和以寄苦懷

淒涼同到故人居門枕寒流古木疎向秀心中嗟棟宇

蕭何身後散圖書本營歸計非無意唯算生涯尙有餘

忽憶前言更惆悵丁寧相約速懸車

敦詩與予及樂天三人同甲子平生相約同休洛中

寄和東川楊尙書慕巢兼寄西川繼之二公近

從弟兄情分偏睦早忝遊舊因成是詩

太華蓮峰降嶽靈兩川棠樹接郊坰政同兄弟人人樂  
曲奏填篴處處聽楊葉百穿榮會府芝泥五色耀天庭  
各拋筆硯誇旄鉞莫遣文星讓將星

高谷大和樂天洛下雪中宴集寄汴州李尙書

洛城無事足杯盤風雪相和歲欲闌樹上因依見寒鳥  
坐中收拾盡閑官笙歌要請頻何爽笑語忘機拙更歡  
遙想兔園今日會瓊林滿眼映旂竿

和牛相公遊南莊醉後寓言戲贈樂天兼見示

城外園林初夏天就中野趣在西偏  
薜薇亂發多臨水鷓鴣雙遊不避船  
水底遶山雲似雪橋邊平岍草如煙  
白家唯有一杯觴興欲把頭盤打少年

樂天以愚相訪沽酒致歡因成七言聊以奉答  
少年曾醉酒旗下同輩黃衣領亦黃  
蹴踏青雲尋入仕蕭條白髮且飛鶻  
令徵古事歡生雅客喚閑人興任狂  
猶勝獨居荒草院蟬聲聽盡到寒蟿

次詩餘賦策草招學報驅並世樂道

蕭蕭白髮且無歸合道古事難空無空與閑人與丑丑  
少平會朝西寇不同筆黃衣烏衣黃與紅青雲碧人升  
拾賦樂天以愚麻世故語規規因賦小言聊以奉答  
自案故存其賦與於味取雖休也平  
謂歸建長不接温米氣雲山雲心雲辭似平刊草取狀  
知根同林味夏天粒中裡跡五兩滿齋齋猶好走驅承

全唐詩

劉禹錫

和思黯憶南莊見示

丞相新家伊水頭，智囊心匠日增修。  
化成池沼無痕跡，奔走清波不自由。  
臺上看山徐舉酒，潭中見月慢回舟。  
從來天下推尤物，合屬人間第一流。

酬思黯見示小飲四韻

拋却人間第一官，俗情驚怪我方安。  
兵符相印無心戀，洛水嵩雲恣一作意看。  
三足鼎中知味久，兩竿竿上擲身難。  
追呼故舊連宵飲，直到天明興未闌。

和僕射牛相公春日閑坐見懷

卽定全唐詩

卷六 劉禹錫八

三

雙峰書屋

官曹崇重難頻入第宅清閑且獨行階蟻相逢如偶語  
圍蜂速去恐違程人於紅藥惟看色鶯到垂楊不惜聲  
東洛池臺怨拋擲移文非久會應成

詩一作遲淮看  
色一作偏憐色

酬元九侍御贈壁竹鞭長句

碧玉孤根生在林美人相贈比雙金初開郢客緘封後  
想見巴山冰雪深多節本懷端直性露青猶有歲寒心  
何時策馬同歸去關樹扶疎敲鐙吟

酬寶元外使君寒食日途次松滋渡先寄示四

韻

思無

楚鄉寒食橘花時野渡臨風駐綵旗草色連雲人去住  
水紋如縠燕差池朱輪尙憶羣飛雉青綬初懸左顧龜

非是湓城舊司馬水曹何事與新詩

時自水部  
郎出牧

寄楊八拾遺

時出爲國子主簿分司東都韓十  
八員外亦轉國子博士同在洛陽

聞君前日獨庭爭漢帝偏知白馬生  
忽領簿書遊太學  
寧勞侍從厭承明洛陽本自宜才子  
海內而今有直聲  
爲謝同僚老博士范雲來歲郎公卿

酬竇員外郡齋宴客偶命柘枝因見寄兼呈張

十一院長元九侍御

員外時兼節度判官佐平蠻  
之器張初罷都官元方從寧

分憂餘刃又從公白羽胡牀嘯詠中  
綵筆論戎矜倚馬  
華堂留客看驚鴻渚宮油幕方高步  
澧浦甘棠有幾叢  
若問騷人何處所門臨寒水落江楓

謝竇員外旬休早涼見示詩

奉書報詩  
朝有宴



新秋十日澣朱衣  
鈴閣無聲公吏歸  
風韻漸高梧葉動  
露光初重槿花稀  
四時冉冉催容鬢  
三爵油油一作忘是

非更報明朝池上酌  
人知太守字元暉  
南海馬大夫遠示著述兼酬拙詩  
輒著微誠再  
有長句時蔡戎未弭故見於篇末

漢家旄節付雄才  
百越南滇統外臺  
身在絳紗傳六藝  
腰懸青綬亞三台  
連天浪靜長鯨息  
映日帆多寶舶來  
聞道楚氛猶未滅  
終須旌旆掃雲雷

和南海馬大天聞楊侍郎出守郴州因有寄上

之作

忽驚金印駕朱轡  
遂別鳴珂聽曉猿  
碧落仙來雖暫謫

赤泉侯在是深恩玉環慶遠瞻台坐銅柱勳高壓海門  
一詠瓊瑤百憂散何勞更樹北堂萱

吳興太守馬大夫見示浙西王侍御贈答詩因命同作序并

藥園大夫榮踐舊府又歷交趾桂林南人歌之列在風

什王侍御公易一別歲餘寄末篇以代札

憶逐羊車凡幾時今來舊府統一作戎師象筵照室會詞

客銅鼓臨軒舞海夷百越酋豪稱故吏十洲風景助新

詩秣陵從事何年別一見瓊章如素期

寄唐州楊八歸厚

淮安古地擁州師畫角金饒旦夕吹淺草遙迎鷓鴣馬

春風亂廳辟邪旗謫仙年月今應滿惹諫聲名衆所知

何況遷喬舊同伴一雙先入鳳凰池

時徐將揚詞復二舍人與唐州同年及第

寄朗州溫右史曹長

暫別瑤墀鸞鷲行綵旗雙引到沅湘城邊流水桃花過

簾外春風杜若香史筆枉將書紙尾朝纓不稱濯滄浪

雲臺公業家聲在徵詔何時出建章

謝楊司業巨源見寄

辟雍流水近靈臺中有詩篇絕世才渤海歸人將集去

黎國弟子請詞來瓊枝未識魂空斷寶匣初臨手自開

莫道專城管雲雨其如心似不然灰谷

謝國子崔博士立之見寄

健筆高科早絕倫後來無不揖芳塵遍看今日乘軒客

多是昔年呈卷人  
曹子執經瞻講坐  
郎官共食接華茵  
煩君遠寄相思曲  
慰問天南一逐臣

張郎中籍遠寄長句開緘之日已及新秋因舉  
目前仰酬高韻

南宮詞客寄新篇  
清似湘靈促柱弦  
京邑舊遊勞夢想  
歷陽秋色正澄鮮  
雲銜日脚成山雨  
風駕潮頭入渚田  
對此獨吟還獨酌  
知音不見思愴然

浙東元相公書歎梅雨鬱蒸之候因寄七言

稽山自與岐山別  
何事連年鶯鶯飛  
百辟商量舊相入  
九天祗候老臣歸  
平湖晚泛窺清鏡  
高閣晨開掃翠微  
今日看書最惆悵  
爲聞梅雨損朝衣

酬嚴給事賀加五品兼簡同制水部李鄴中

九天雨露傳青詔八舍郎官換綠衣初佩銀魚隨仗入  
宜乘白馬退朝歸彫盤賀嘉開瑤席綵筆題詩出鎖闈  
聞道水曹偏得意霞朝霧夕有光輝

裴相公大學士見示答張秘書謝馬詩并羣公

屬和因命追作

草元門戶少塵埃丞相并州寄馬來初自塞垣銜苜蓿  
忽行幽徑破莓苔尋花緩轡威遲一作去帶酒垂鞭躑躅  
回不與王侯與詞客知輕富貴重清才

奉和裴侍中將赴漢南留別座上諸公

金貂曉出鳳池頭玉節前臨南雍州暫輟洪鑪觀劍戟

還將大筆注春秋管弦席上留高韻山水途中入勝遊  
峴首風煙看未足便應重拜富民侯  
和蘇郎中尋豐安里舊居寄主客張郎中

漳濱卧起恣閑遊宜室徵還未白頭舊隱來尋通德里  
新篇寫出畔牢愁池看科斗成文字鳥聽提壺憶獻酬  
同學同年又同舍許君雲路並華輶

酬浙東李侍郎越州春晚郎事長句

越中藹藹繁華地秦望峰前禹穴西湖草初生邊鴈去  
山花半謝杜鵑啼青油書卷臨高閣紅旆晴翻繞古堤  
明日漢庭徵舊德老人爭出若耶溪

平會 酬淮南牛相公述舊見貽

少年曾忝漢庭臣  
晚歲空餘老病身  
初見相如成賦日  
尋爲丞相掃門人  
追思往事咨嗟久  
喜奉清光笑語頻  
猶有登朝一作舊冠冕  
待公三入拂埃塵

牛相再入中書  
故以三入期之

和僕射牛相公追感韋裴六相登庸皆四十餘  
未五十薨歿豈早榮早枯之義今年將六十猶  
粗強健因親故勸酒率然成篇并見寄之作

坐鎮清朝獨殷然  
閑徵故事數前賢  
用才同踐鈞衡地  
稟氣終分大小年  
威鳳本池思泛泳  
仙查舊路望回旋  
猶憐綺季深山裏  
唯有松風與石田

王容東隱中

和僕射牛相公以離闕庭七年班行親故亡歿  
十無一人再覩龍顏喜慶雖極感歎風燭能不

心曠神怡然因成四韻並示集賢中書二相公所和  
人辭龍闕擁紅旗喜見天顏拜赤墀三省英寮非舊侶  
萬年芳樹長新枝交朋接武居仙院幕客追風入鳳池  
雲母屏風即施設可憐榮耀冠當時

和僕射牛相公見示長句

靜得天和興自濃不緣宦達性靈慵大鵬六月有閑意  
仙鶴千年無躁容流輩盡來多歎息官班高後少過從  
唯應加築露臺上賸見終南雲外峰

和牛相公雨後寓懷見示

金火交爭正抑揚蕭蕭飛雨助清商曉看紈扇恩情薄  
夜覺紗燈刻數長樹上早蟬纔發響庭中百草已無光



當年富貴亦惆悵何況悲翁髮似霜

和陳許王尚書酬白少傅侍郎長句因通簡汝

洛舊遊之什

寥廓高翔不可追風雲失路蹇相隨方同洛下書生詠  
又見軍前大將旗雪裏命賓開玉帳飲中請號駐金卮  
竹林一自王戎去嵇阮雖貧興未衰

和僕射牛相公寓言二首

兩度竿頭立定誇回眸舉袖拂青霞盡拋今日貴人樣  
復振前朝名相家御史定來休直宿尚書依舊趨叅衙  
具瞻尊重誠無敵猶憶洛陽千樹花

心如止水鑿常明見盡人間萬物情鷓鴣騰空猶逞俊

驂駟齒足自無驚時來未覺權爲崇貴了方知退是榮  
只恐重重世緣在事須三度副蒼生

訓太原狄尙書見寄

家聲烜赫冠前賢時望穹崇鎮北邊身上官銜如座主  
幕中譚笑取同年幽并俠少趨鞭弭燕趙佳人奉管弦  
仍把天兵書號筆遠題長句寄山川

訓宣州崔大夫見寄

白衣曾拜漢尙書今日恩光到敝廬再入龍樓稱綺季  
應緣狗監說相如中郎南鎮權方重丙史高齋興有餘  
遙想敬亭春欲暮百花飛盡柳花初

訓皇甫十少尹暮秋久雨喜晴有懷見示

雨餘獨坐卷簾帷  
便得詩人喜霽詩  
搖落從來長年感  
慘舒偏是病身知  
掃開雲霧呈光景  
流盡潢汙見路岐  
何況菊香新酒熟  
神州司馬好狂時

再授連州至衡陽酬柳柳州贈別

去國十年同赴召  
渡湘千里又分岐  
重臨事異黃丞相  
三黜名慙柳士師  
歸目併隨回鴈盡  
愁腸正遇斷猿時  
桂江東過連山下  
相望長吟有所思

望夫山

何代提戈去不還  
獨留形影白雲間  
肌膚銷盡雪霜色  
羅綺點成苔蘚斑  
江燕不能傳遠信  
野花空解妒愁顏  
近來豈少征人婦  
笑採靡蕪上北山

懷妓

前三首一作劉  
損詩題作懷婉

玉釵重合兩無緣魚在深潭鶴在天得意紫鸞休一作舞

鏡能言青鳥罷一作斷銜賤金盆已覆難收水玉軫長拋不

續弦若向靡蕪山下過一作空將紅一作狂淚灑窮泉

鸞飛遠樹棲何處鳳得新巢想稱心紅壁一作粉尙留香漠

漠碧雲初斷信沈沈情知一作那堪點污投泥玉猶自一作嬾經營

買笑金從此山頭似人石丈夫形狀淚痕深

但曾行處遍尋看雖是生離死一般買笑樹邊花已老

畫眉窗下月猶殘雲藏巫峽音容斷路隔星橋過往難

莫怪詩成無淚滴盡傾東海也須乾

三山不見海沈沈豈有仙蹤更可尋青鳥去時雲路斷

姮娥歸處月宮深  
紗窗遙想春相憶  
書幌誰憐夜獨吟  
料得夜來天上鏡  
只應偏照兩人心

答東陽于令寒碧圖詩

并引

東陽合于典宗丞  
相燕國公之猶子  
生綺襦統帶  
間所見皆貴盛  
而挈然有心如  
山東書生前年  
白有司願爲親  
民官以自効  
遂補東陽及蒞  
官以簡易爲治  
故多暇日一旦  
於縣五里偶得  
竒境埋沒於翳  
替中于生自以  
有特操而生於  
公侯家由覆  
蔭入仕常忽忽  
歎息因移是心  
開挾泉石芟去  
蘿葛斧斤材畚  
息壤而清谿翠  
峯森立坐來因  
構亭其端題曰  
寒碧碧流貫於  
庭中如青龍蜿  
蜿冰聲

風射入樹石雲霞列於前昏且萬狀情其居地不  
得聞於時故圖之來乞辭既無負尤物予亦久  
翳蘿焉者賾之慨然遂賦七言以貽後之文士

東陽本是佳山水何況曾經沈隱侯化得邦人解吟詠  
如今懸台亦風流新開潭洞疑仙境遠寫丹青到雍州  
落在尋常畫師手猶能三伏凜生秋

麻姑山

會遊仙蹟見豐碑除却麻姑更有誰雲蓋青山龍卧處  
日臨丹洞鶴歸時霜凝上界花開晚月冷中天果熟遲  
人到便須拋世事稍田還擬種靈芝

自江陵沿流道中

三千三百西江水自古如今要路津月夜歌謠有漁父  
風天氣色屬商人沙村好處多逢寺山葉紅時覺勝春  
行到南朝征戰地古來名將盡爲神

陸途甘亭皆有祠宇

別夔州官吏

三年楚國巴城守一去揚州揚子津青帳聯延喧驛步  
白頭俯偃到江濱巫山暮色常含雨峽水秋來不恐人  
惟有九歌詞數首里中留與賽蠻神

魚復江中

扁舟盡室貧相逐白髮藏冠鑷更加遠水自澄終日綠  
晴林長落過春花客情浩蕩逢鄉語詩意留連重物華  
風檣好住貪程去斜日青帘背酒家

國巫山神女廟

巫山十二鬱蒼蒼，片石亭亭號女郎。  
曉霧乍開疑卷幔，山花欲謝似殘妝。  
星河好夜聞清佩，雲雨歸時帶異香。  
何事神仙九天上，人間來就楚襄王。

柳絮

飄颻南陌起東鄰，漠漠濛濛暗度春。  
花巷暖隨輕舞蝶，玉樓晴拂豔妝人。  
縈迴謝女題詩筆，點綴陶公漉酒巾。  
何處好風偏似雪，隋河隄上古江津。

贈同年陳長史員外

明州長史外臺郎，憶昔同年翰墨場。  
一自分襟多歲月，相逢滿眼是淒涼。  
推賢有愧韓安國，論舊唯存盛孝章。



所歎謬遊東閣下看君無計出酒惶

送周魯儒赴舉詩

并引

晝居外次晨門日有九疑生持一刺來謁立西階  
以須生危冠方袂淺拱舒拜且前致辭稱贊其文  
願涉獵前言居五六日復袖來益引古事以相刪  
切與之言能言其得姓因家之所自暨縣道鄉亭  
之風俗望山名水之槩狀羅舍所未記朱顛之未  
條咸得之於生由是始列於賓籍臨觴而司斟觀  
博而竄言有日矣初邑中人聞有生來而二千石  
客之駢然來觀選客裴御史遇生於坐抵掌曰人  
固有類類而族殊者周生疑羅玠也眾咸隤然而

熟視生疑也愈甚夫形似古所有也優孟似叔敖而楚君欲以爲相人殊而貌肖猶或欲用之玠生於衡山而生生於九疑其似誠匹也無乃躡其武升俊造仕旬服佐君藩爲御史乎古文人無避事卽有而書之尙實也行李之貺則徵夫詩曰

宋曰營陽內史孫因家占得九疑村童心便有愛書癖手指今餘把筆痕自握虵珠辭白屋欲憑雞卜謁金門若逢廣坐一作問羊酪從此知名在一言

送曹璩歸越中舊隱詩

并引

余爲連州諸生以進士書刺者浩不可紀獨曹生崖然自稱爲山夫及與語以徵其實則曰所嗜者

名嘗遠遊以索之抗喉舌舐梅晦以干東諸侯見  
之曰率荒然曰秀才者天下是不禮庸何傷今方  
依名山以揚其聲將挂幘於南嶽生之言未及休  
余遽曰在已不在山若子之言依山而爲高是練  
神叩寂捐日月而不顧名聞而老至持是焉用生  
聞言愀然如悔色見於眉睫因留止道士院從余  
求書以觀居三時而功倍一歲讀史書自皇帝至  
吳魏間班班能言之然而絕口不敢言衡山知山  
夫不販而贏也十一月告余歸隱於會稽且曰知  
求名之自矣乞詞以發之遂賦七言詩以鑒其志  
行盡瀟湘萬里餘少逢知己憶吾廬數間茅屋閉臨水

一盞秋燈夜讀書地遠何當隨計吏策成終自詣公車  
剡中若問連州事唯有千山書不如

白鷹

毛羽嫋嫋白紵裁馬前擊出不驚猜輕拋一點入雲去  
唱殺三聲掠地來綠玉觜攢雞腦破元金爪擘兔心開  
都緣解搦生靈物所以人人道俊哉

一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十

融凝積賦坐靈隱何以人人

即然三益射世來烈正誠新

手膝辭職白餘赫德前學出

白獸前

際中甚問與風專劫存于山

一盤絲欲齊能善世盡而富

全唐詩

劉禹錫

送工部張侍郎入蕃弔祭

時張兼  
修史

再命大風

月宿賓諸夏雲官降

一作  
向

九天飾終鄰好重錫命禮容全

水咽猶登隴沙鳴

一作  
明

稍極邊路因乘驛近志爲飲冰堅

毳帳差池見烏旗搖曳前歸來賜金石榮耀自編年

早秋送臺院楊侍御歸朝

兄弟四人編歷  
諸科二人回省

仙署棣華春當時已絕倫今朝丹闕下更入白眉人重

振高陽族分居要路津一門科第足五府辟

一作  
部

書頻鷲

鳥得秋氣法星懸火旻聖朝寰海靜所至不理輪

五重送陸侍御歸淮南使府五韻

用年  
字

江左重詩篇陸生名久傳鳳城來已熟羊酪不嫌羶歸路芙蓉府離堂玳瑁筵泰山呈臘雪隋柳布新年曾忝

揚州薦因君達短牋

時段承相鎮揚州嘗辱表薦

送令狐相公自僕射出鎮南梁

夏木正陰成戎裝出帝京沾襟辭闕淚回首別鄉情雲

樹褒中路風煙漢上城前旌轉谷去後騎踏橋聲久

一作又

領鷺行重無嫌虎綬

一作飾

輕終提一麾去

一作當持一筆

再入福

一作刷

蒼生

奉送裴司徒令公自東都留守再命太原

本封晉國公兩

任相去

十六年

星使出關東兵符賜上公山河歸舊國管籥換離宮行

色旌旗動軍聲鼓角雄愛棠餘故吏騎竹見新童漢壘  
三秋靜胡沙萬里空其如天下望旦夕詠清風

海陽湖別浩初師

并引

瀟湘間無土山無濁水民乘是氣往往清慧而文  
長沙入浩初生旣因地而清矣故去葦洗慮剔顛  
毛而壞其衣居一都之殷易與士會得執外教盡  
捐苟禮自公侯守相必賜其清問耳目灌注習浮  
於性而里中兒賢適與浩初比者嬰冠帶參妻子  
吏得以乘凌之汨沒天慧不得自奮莫可望浩初  
之清光於侯門上坐第自吟羨而已浩初益自多  
其術尤勇於近達者而歸之往年之臨賀陪侍郎



楊公留歲餘公遺以七言詩手筆於素前年省柳  
儀曹於龍城又爲賦三篇皆章書今復來連山以  
前所得雙南金出於械亟請余贖之按師爲詩願  
清而奕棊至第三品二道皆足以取幸於士大夫  
宜熏餘習以深入也會吳郡以山水冠世海陽又  
以竒甲一州師慕道於泉石爲篤故攜之以嬉及  
言旋復引與共載於湖上奕於樹石間以植沃州  
之因緣宜賦詩具道其事

近郭看

一作有

殊境獨遊常鮮懽逢君駐繡錫觀貌稱林巒

湖滿景方霽野香春未闌愛泉移席近聞石輟棊看風

止松猶韻花繁露未

一作

乾橋形出樹曲巖影落池寒

東湖

架設凡四橋山下出泉温嚴爲池弘澄可愛者不可徧舉故狀其境以貽好事

別路千嶂裏

一作

詩情暮雲

一作

端他年買山處似此得隳官

許給事見示哭工部劉尙書詩因命同作

從叔壑出河間

漢室賢王後孔門高第人濟時成國器樂道任天真特  
達圭無玷堅貞竹有筠總戎寬得眾市義貴能貧護塞  
無南牧馳心拱北辰乞身來闕下賜告卧漳濱榮耀初  
題劍清羸已拖紳宮星徒列位隙日不回輪自昔追飛  
侶今爲侍從臣素苙哀已絕青簡歎猶新未遂揮金樂  
空悲撒瑟晨淒涼竹林下無復見清塵

從叔白謂北館度以疾歸朝  
此及拜尙書竟不更中謝

武陵書懷五十韻

并序

按天官書武陵當翼軫之分其在春秋及戰國時

皆楚地後爲秦惠王所并置黔中郡漢興更名曰  
武陵東徙於今治所常林義陵記云初項籍殺義  
帝於郴武陵人曰天下憐楚而興今吾王何罪乃  
見殺郡民縞素哭於招屈亭高祖聞而異之故亦  
曰義陵今郡城東南亭舍其所也晉宋齊梁間皆  
以分王子弟事存於其書永貞元年余始以尙書  
外郎出補連山守道貶爲是郡司馬至則以方志  
所載而質諸其人民顧山川風物皆騷人所賦乃  
具所聞見而成是詩因自述其出處之所以然故  
用書懷爲目云

西漢開支郡南朝號戚藩四封當列宿百雉俯清沅高

岸朝霞合驚湍激箭奔積陰春暗度將懸霧先昏俗尙

東皇祀謠傳義帝冤桃花迷隱跡棟練葉慰忠魂戶算

資漁獵鄉豪恃子孫照山畚火動踏月俚歌喧擁織舟

爲市連蕘竹覆軒披沙金粟見拾羽翠翹翻茗折蒼溪

秀蘋生枉渚暄一作禽驚一作格磔起魚戲噉一作日鷓鴣聲

如鉤耕略  
磯者是也沈約臺榭故李衡墟落存隱侯臺木  
奴洲並在湘靈悲鼓瑟

泉客泣酬恩露變蒹葭浦星懸橘柚村虎咆空野震巖

作滿川渾鄰里皆遷客兒童習左言炎天無冽井霜月

見芳蓀清白家傳遠詩書志所敦列科叨甲乙從宦出

邱樊結友心多契馳聲氣尙吞士安曾重賦元禮許登

門草檄嫖姚幕巡兵戊巳屯策臺先自愧送客獨留髡

遂結王畿綬來觀衛室罇鳶飛入鷹隼魚目儷璵璠  
燭羅馳道朝陽闢帝閭王正會夷夏月朔盛旗楮獨立  
當瑤闕傳呵步紫垣按章清狂獄視祭深蘋藻御歷昌  
期遠傳家寶祚蕃懿文光夏啓神教畏軒轅內禪因天  
性雄圖授化元繼明懸日月出震統乾坤大孝三朝備  
洪恩九族惇百川宗渤澥五岳輔崑崙何幸逢休運微  
班誠至尊校緡資堯權復士奉山園

所以本官判度支鹽鐵等兼崇陵使判官

失貴人意徒聞太學論直廬辭錦帳遠守愧朱幡巢幕

方猶燕搶榆尚笑鯤遭迴過荆楚流落感涼溫旅望花  
無色愁心醉不憎春江千里草暮雨一聲猿問卜安冥  
數看方理病源帶除衣改製塵澀劍成痕三秀悲中散

二毛傷虎賁來憂禦魑魅歸願收雞豚就日秦京遠臨  
風楚奏煩南登無灞畝旦夕上高原

早秋集賢院郎事

時爲學士

金數已三伏火星正西流樹含秋露曉閣倚碧天秋灰  
琯應新律銅壺添夜籌商飈從朔塞爽氣入神州蕙草  
香書殿槐花點御溝一作樓山明真色見水靜一作洋濁煙收早  
歲黍華省再來成白頭幸依羣玉府末一作有路尙一作向瀛洲

奉和吏部楊尙書太常李卿二相公策免後郎

事述懷贈答十韻

文雅闕西族衣冠趙北都有聲真漢相無類勝隋珠當  
軸龍爲友臨池鳳不孤九天開內殿百辟一作拜看晨趨誠

滿澄欹器成功別大鑪餘芳在公論積慶是神扶步武  
離台席徊翔集帝梧銓材秉秦鏡典樂去齊竿瀟灑風  
塵外逢迎詩酒徒唯應待華誥一作誥更食一作入萬錢厨

晚歲登武陵城顧望水陸悵然有作

星象承烏翼蠻甌想犬牙俚人祠竹籊仙洞閉桃花城

基一作塞

歷漢魏江源自實巴華表廖王墓

一作塚

菜地黃瓊家

霜輕菊秀晚石淺水紋斜樵音繞故壘汲路明寒沙清  
風稍改葉盧橘始含葩野橋過驛騎叢祠發迥笳跳鱗  
避舉網倦鳥寄行植路塵高出樹山火遠連霞夕曛轉  
赤岍浮靄起蒼葭軋軋渡水漿連連赴林鴉叫闕道非  
遠賜環期自賒孤臣本危涕喬木在天涯

罷郡歸洛陽寄友人

遠謫年猶少，初歸鬢已衰。  
門閑故吏去，室靜老僧期。  
不見蜘蛛集，頻爲佞僂一作鸞欺。  
穎微囊未出，寒甚谷難吹。  
落唯心在，平生有已知。  
商歌夜深後，聽者竟爲誰。

經伏波神祠

蒙蒙篁竹下有路，上壺頭漢壘磨。  
臨鬪蠻溪霧，雨愁懷人敬遺像。  
閱世指東流，自負霸王略。  
安知恩澤侯，鄉國辭石柱。  
筋力盡炎洲，一以功名累。  
馮思馬少游。

和沐州令狐相公到鎮改月偶書所懷

二十韻

受賑新梁苑，和羹舊傅巖。  
援毫動星宿，垂鈎取韜鈴。  
赫奕三川至，歡呼百姓瞻。  
綠油貔虎擁，青紙鳳皇銜。  
外壘



曾無警中厨亦罷監推誠人自服去殺令逾嚴  
趙趙容  
皆飾幡幡口盡鉗爲兄憐庾翼選壻得蕭咸  
鬱悃咽喉  
地駢臻水陸兼度橋鳴紺嚙入肆颺雲帆端月當中氣  
東風應遠占管弦暄夜景燈燭掩寒蟾酒每傾三雅書  
能發百函詞人羞布鼓遠客獻貂襜歌榭白團扇舞筵  
金縷衫旌旗遙一族烏履近相攬花樹當朱閣晴河逼  
翠簾衣風飄綬黻燭淚滴巉巖玉笋虛頻易金爐暖更  
添映環窺豔豔隔袖見纖纖謝傅何由接桓伊定不凡  
應憐郡齋老旦夕鐻霜顛

遥賀

一作和

白賓客分司初到洛中戲呈馮尹

西辭望苑去東占洛陽才度嶺無愁思看山不喚來冥

鴻何所慕遼鶴乍飛迴洗竹通新逕攜琴上舊臺塵埃  
長者轍風月故人杯聞道龍門峻還因上客開

白侍郎大尹自河南寄示池北新葺水齋郎事  
招賓十四韻兼命同作

公府有高政新齋池上開再吟佳句後一似畫圖來結  
搆疎林下夤緣曲岍隈綠波穿戶隔碧甃疊瓊瑤幽異  
當軒滿清光繞砌廻潭心澄晚鏡渠口起晴雷瑤草緣  
堤種松煙上島栽遊魚驚撥刺浴鷺喜毳毳爲客烹林  
笋因僧採石苔酒餅常不罄書案任成堆簷外青雀舫  
坐中鸚鵡杯蒲根抽九節蓮莠捧重臺芳訊此時到勝  
遊何日陪共譏吳太守自占洛陽才

和令狐相公謝太原李侍中寄蒲桃

珍果出西域移根到北方  
昔年隨漢使今日寄梁王  
上相芳緘至行臺綺席張  
魚鱗含宿潤馬乳帶殘霜  
染指鉛粉膩滿喉甘露香  
醞成十日酒味敵五雲漿  
阻嚼停金盞稱嗟響畫堂  
慙非未至客不得一枝嘗

和令狐相公玩白菊

家家菊盡黃梁國獨如霜  
瑩靜真琪樹分明對玉堂  
仙人披雪氅素女不紅妝  
粉蝶來難見麻衣拂更香  
向風插羽扇含露滴瓊漿  
高豔遮銀井籐枝覆象牀  
桂叢慙竝發梅蘂妬先芳  
一入瑤華詠從茲播樂章

令狐相公見示新栽蕙蘭二草之什兼命同作

上國庭前草移來漢水潄朱門雖易地玉樹有餘陰  
彩凝還泛清香絕復尋光華童子佩柔軟美人心情晚  
含遠思賞幽空獨吟寄言知音者一奏風中琴

和令狐相公南齋小讌聽阮咸

阮巷久蕪沈四弦有遺音雅聲發蘭室遠思含竹林座  
絕眾賓語庭移芳樹陰飛觴助真氣寂聽無流心影似  
白團扇調諧朱弦琴一毫不平意幽怨古猶今

和令狐相公九日對黃白二菊花見懷

素萼迎寒秀金英帶露香  
籜華照旄鉞榮盛一作茂對銀墳

琮璧交輝映衣裳雜彩章晴雲遙蓋覆秋蝶近悠揚空  
想逢九日何由陪一觴滿叢佳色在未肯委嚴霜

令狐僕射與余投分素深縱山川阻修然音問  
相繼今年十一月僕射疾不起聞予已承訃書  
寢門長慟後日有使者兩輩持書并詩計其日  
時已是卧疾手筆盈幅翰墨尙新律詞一篇音  
韻彌切收淚握管以成報章雖廣陵之弦於今  
絕矣而蓋泉之感猶庶聞焉焚之總帳之前附  
于舊編之末

前日寢門慟至今悲有餘已嗟萬化盡方見八行書滿  
紙傳相憶裁詩怨索居危弦音有絕哀玉韻由虛忽歎  
幽明異俄驚歲月除文章雖不朽精魄竟焉如零淚霑  
青簡傷心見素車悽涼從此後無復望雙魚

和樂天閑園獨賞八韻前以蜂鶴拙句寄呈今  
辱蝸蟻妍詞見答因成小巧以取大咍

永日無人事芳園任興行陶廬樹可愛潘宅雨新晴傅  
粉琅玕節熏香菡萏莖榴花裙色好桐子藥丸成柳蠹  
枝偏亞桑空葉再生睢盱欲鬪雀索漠不言鶯動植隨  
四氣飛沈含五情搶榆與水擊小大強爲名

奉和裴令公新成綠野堂卽書

藹藹鼎門外澄澄洛水灣堂皇臨綠野坐卧看青山位  
極却忘貴功成欲愛閑官名司管籥心術去機關禁苑  
凌晨出園花及露攀池塘魚拔刺竹逕鳥綿蠻志在安  
瀟灑嘗經歷險艱高情方造適眾意望徵還好客交珠

履華筵舞玉顏無因隨賀燕翔集畫梁間

三月三日與樂天及河南李尹奉陪裴令公泛

洛禊飲各賦十二韻

洛下今修禊羣賢勝會稽盛筵陪玉鉉通籍盡金閨波  
上神仙妓斲傍桃李蹊水嬉如鷺振歌響雜鶯啼歷覽  
風光好泓洞意思迷權歌能儷曲墨客競分題翠幄連  
雲起香車向道齊人誇綾步障馬惜錦障泥塵暗宮牆  
外霞明苑樹西舟形隨鷁轉橋影與虹低川色晴猶遠  
鳥聲暮欲棲唯餘踏青伴待月魏王堤

樂天少傅五月長齋廣延緇徒謝絕文友坐成

睽間因以戲之

五月長齋戒深居絕送迎不離迦德里便是法王城舉  
目皆僧事全家少俗情精修無上道結念未來生寘閣  
緇衣占書堂信鼓鳴戲童爲塔象啼鳥學經聲黍用青  
菰一作角葵承玉露烹馬家供薏苡劉氏餉蕪菁暗網籠  
歌扇流塵晦酒鐺不知何次道作佛幾時成

酬樂天晚夏閑居欲相訪先以詩見貽

池榭堪臨泛翛然散鬱陶步因驅鶴緩吟爲聽蟬高林  
密添新竹枝低縋晚桃酒醅晴易熟藥圃夏頹薶老是  
班行舊閑爲鄉里豪經過更何處風景屬吾曹

酬樂天醉後狂吟十韻

來章有移家  
惟醉和之句

散誕人間樂逍遙地上仙詩家登逸品釋氏悟真筌制



誥留臺閣歌詞入管弦處身於木鷲任世變桑田吏隱  
情兼遂儒元道兩全八關齋適罷三雅興尤偏文墨中  
年舊松筠晚歲堅魚書曾替代香火有因緣

陸法和云與梁元帝於空王寺

佛前訂香火因緣

欲向醉鄉去猶爲色界牽好吹楊柳曲爲我舞

金鈿

牛相公見示新什謹依本韻次用以抒下情

劇韻新篇至因難始見能兩天龍變化晴日鳳騫騰遊  
海驚何極聞韶素不曾愜心時拊髀擊節日麾肱符彩  
添隄墨波瀾起剡藤揀金光熠熠累壁勢層層珠媚多  
藏賈花撩欲定僧封來真實物寄與媿交朋已老無時  
疾

時浴中時痛多傷少年

長貧望歲登雀羅秋寂寂蟲翅曉薨薨

驥方辭絆虛舟已絕緇榮華甘死別健羨亦生憎玉桂  
琤琤韻金觥冠凸稜何時良宴會促膝對華燈

奉和中書崔舍人八月十五日夜翫月二十韻

暮景中秋爽陰靈既望圓浮一作騰精離一作子碧海分照接虞

淵迴見孤輪出高從倚蓋旋二儀含皎澈萬象共澄鮮

整御當西陸舒光麗上元一作時從星變風雨順日助陶甄

遠近同時望晶熒此夜偏運行調玉燭潔白應金天曲

沼疑瑤鏡通衢若象筵逢人盡冰雪遇景一作境郎神仙引

素吞銀漢凝清洗綠煙臯禽警露下鄰杵思風前水是

還珠浦山成種玉田劔沈三尺影燈罷九枝然象外形

無迹寰中影有一作自遷稍當雲闕正未映斗城懸靜對揮

御定全唐詩 六 劉禹錫 卷九 三 雙筆書

宸翰閑臨綵牋境同牛渚

浦在

上宿在鳳池邊興掩尋

安道詞勝命仲宣從今紙貴後不復詠陳篇

奉和淮南李相公早

在

秋郎事寄成都武相公

八柱共承天東西別隱然遠夷爭慕化真相故臨邊竝

進夔龍位仍齊龜鶴年

想詩有齊年並進之句

同心舟已濟造膝壁常

聯對領專征寄遥持造物權斗牛添氣色井絡靜氛煙

獻可通三略分甘出萬錢漢南趨節制趙

一作淮

北賜山川

玉帳觀渝舞虹旌獵楚田步嫌雙綬重夢入九城偏秋

雨

一作與

離情動新詩

一作

樂府傳聆音還竊抹不覺撫公

缺

李中書自揚州見

示詩本因命仰和

元和癸巳歲仲秋詔發江陵偏師問罪蠻徵後

命宣慰釋兵歸降凱旋之辰率爾成詠寄荆南

嚴司空

蠻水阻朝宗兵符下渚宮前籌得上策無戰已成功漢

使星飛入夷心草偃同歌

一作歌

詒開竹棧拜舞戢

一作擲

桑弓

就日知冰釋投人念鳥窮網羅三面解章奏九門

一作重

通

卉服聯操袂雕題盡鞠躬降幡秋練白驛騎晝塵紅火

號休傳警機橋罷亘空登山不見虜振旆自生風江遠

煙波靜軍回氣色雄伫看聞喜後金石賜元戎



全唐詩

劉禹錫

和李六侍御文宣王廟釋奠作

歎息魯先師生逢周室卑有心律天道無位救陵夷歷  
聘不能用領徒空爾爲儒風正禮樂旅

一作旋  
又作易

象入警龜

西狩非其應中都安足施世衰由我賤泣下爲人悲遺  
教光文德興王叶夢期土田封後允冕服飾虛儀鐘鼓  
膠庠薦牲牢郡邑祠聞君喟然嘆偏在上丁時

和實中丞晚入容江作

漢郡三十六鬱林東南遙人倫選清臣天外頒詔條桂  
水步秋浪火山凌霧朝分圻辨風物入境聞謳謠莎岸

見長亭煙林隔麗譙日落舟益駛川平旗自飄珠浦遠  
明滅金沙晴動搖一吟道中作離思懸層霄

南海馬大夫見惠著述三通勒成四帙上自邃

古達于國朝采其菁華至簡如富欽受嘉貺詩

以謝之

紅旗閱五兵絳帳領諸生味道輕鼎食退公猶筆耕青  
箱傳學遠金匱納書成一瞬見前事九流當抗行編蒲  
曾苦思垂竹媿無名今日承芳訊誰言贈袞榮

和楊侍郎初至郴州紀事書情題郡齋八韻

旌節下朝臺分圭從北回城頭鶴立處驛樹鳳栖來

蘇

傳云後化爲仙鶴止於東北閣樓上又州北棧鳳驛圖經云常有威風降于廷栢也

舊路芳塵在新恩駟騎催

里閭風偃草鼓舞抃成雷  
吏散山禽囀庭香夏蕊開  
郡齋堪四望壁記有三台  
人訝徵黃晚文非弔屈哀  
一吟梁甫曲知是卧龍才

和東川王相公新漲驛池八韻

今日池塘上初移造物權  
苞藏成別島汨濁致清漣  
變化生言下蓬瀛落眼前  
泛觴鷺翠羽開幕對紅蓮  
遠寫風光入明舍氣象全  
渚煙籠驛樹波日漾賓筵  
曲岸留緹騎中流轉綵船  
無因接元禮共載比神仙

酬楊八庶子喜韓吳興與余同遷見贈

依本韻  
次用

早遇聖明朝鴈行登九霄

吳興與余  
中外兄弟

文輕傳武仲酒逼蓋

寬饒捨矢同瞻鵠當筵共賽梟

吳興與余同  
年判入等第

琢磨三益重唱



和五音調臺柏煙常起池荷香暗飄

吳興與余同爲御史臺門外有蓮池也

星文

辭北極旗影度東遼

吳興自度支郎中出爲行軍司馬所從郎范侯射昔范朋友爲度遼將軍

直道由來

黜浮名豈敢要三湘與百越雨散又雲播遠守慙侯籍  
徵還荷詔條頌容唯舌在別恨幾魂銷滿眼悲陳事逢  
人少舊僚煙霞爲老伴蒲柳任先凋虎綬懸新印龍軀  
理去橈斷腸天北郡攜手洛陽橋幢蓋今雖貴弓旌會  
見招其如草元客空字久寥寥

和兵部鄭侍郎省中四松詩十韻

松是中書相公有侍郎時栽

右相歷中臺移松武庫栽紫茸抽組綬青實長玫瑰便  
有干霄勢看成構厦材數分天柱半影逐日輪回舊賞  
台階去新知谷口來息陰常仰望翫境一作幾喪回翠粒

晴懸露蒼鱗雨起苔凝音助瑤瑟飄藥泛金壘月桂花  
一作光迺燭星榆葉對開終須似雞樹榮茂近昭回

酬鄭州權舍人見寄十二韻

朱戶凌晨啟碧梧含早涼人從桔杖至書到漆沮傍  
林會因佳句情深取斷章愜心同笑語入耳勝笙簧憶昔

三條路居鄰數仞牆

舍人書宅在福里時香東鄰

學堂青玉案綵服紫羅囊

鱗角看成就龍駒見抑揚  
殼中飛一箭雲際落雙鶴

舍人舉

登科列  
入等第

旬邑叨前列天臺媿後行

鄭人離渭南主簿十年舍人方尉此邑及履謔謂重入南宮爲禮部郎中

舍人在  
君功

鯉庭傳事業雞樹遂翱翔  
書殿連鳩鵲神池接鳳

凰追遊蒙尙齒惠好結中腸

鄭人在集賢與西掖接近日夕追遊

鐵翮方擡舉危

根易損傷一麾憐棄置  
五字借恩光

鄭人出牧姑蘇舍人草制

汝海崆峒

秀溱流芍藥芳風行能偃草境靜不爭桑

鄧人轉寧汝  
舍人牧榮陽

轉旆

趨關石頌條匝渭陽病吟猶有思老醉已無狂塵滿鴻

清道沙礪白狄鄉仁聞黃紙詔促召紫微郎

和牛相公題姑蘇所寄太湖石兼寄李蘇州

震澤生奇石沈潛得地靈初辭水府出猶帶龍宮腥發  
自江湖國來榮卿相庭從風夏雲勢上漢古查形拂拭  
魚鱗見鏗鏘玉韻聆煙波含宿潤苔蘚助新青嵌穴胡  
鷁貌纖鉗蟲篆銘孱顏傲林薄飛動向雷霆煩熱近還  
散餘醒見便醒凡禽不敢息浮盞莫能停靜稱垂松蓋  
鮮宜映鷁翎忘憂常目擊素尚與心冥眇小欺湘燕團  
圓笑落星徒然想融結安可測年齡採取詢鄉耄搜求

按舊經垂鈎入空隙隔浪動晶熒有獲人爭賀歡話眾  
共聽一州驚閱寶千里遠揚舲覩物洛陽陌懷人吳御  
亭寄言垂天翼早晚起滄溟

浙西李大夫述夢四十韻并浙東元相公酬和

斐然繼聲

位是才能取時因際會遭羽儀呈鸞鷲鉞刃試豪曹洛  
下推年少山東許地高門承金鉉鼎家有玉璜韜已仍海

浪扶鵬翹天風引驥髦便知蓬閣闕不識簪衣袞與發

春塘草魂交益部刀形開猶抱膝燭盡遽揮毫昔仕當

初筮逢時詠載橐懷鈇辨蟲蠹梁素學鷲毛車騎方休

汝歸來欲效陶

大夫能太原  
從李歸京師

南臺資睿諤內署選風騷羽

化如乘鯉樓居舊冠鼇美香焚濕麝名果賜乾荀議救  
蠅棲筆邀歌蟻泛醪代言無所戲謝表自稱叨蘭焰凝  
芳澤芝泥瑩玉膏對頰聲價出直入夢魂勞草詔令歸  
馬批章答獻葵銀花懸院盼翠羽映簾條諷諫欣然納  
奇觚率爾操禁中時誇誇天下免切切左顧龜成印雙  
飛鵠織袍謝賓緣地密潔已是心豪五日思歸沐三春  
羨眾邀茶爐依綠笋碁局就紅桃溟海桑潛變陰陽炭  
暗熬仙成脫屣去臣戀捧弓號建節辭烏柏宣風看鷺  
濤土山京口峻鐵貧郡城牢曲島花千樹官池水一篙  
鷺來和絲管雁起拂麾旄宛轉傾羅扇回旋墜玉搔罰  
籌長豎燾觥盞樣如剡山是千重障江爲四面濠卧龍

曾得雨浙東孤鷓尙鳴臯浙西劍川雄開匣二弓閑蟄受爨

自謂鳳姿嘗在竹二鷓羽不離蒿自謂吳越分雙鎮東西接

萬艘今朝比潘陸江海更滔滔

和浙西李大夫伊川小居下十日

早入八元數嘗承三接恩飛鳴天上路鎮壓海西門清

望寰中許高情物外存時來誠不讓歸去每形言洛下

思招隱江干厭作藩按經修道具依樣買山村馬高唐爲御史大夫將置

宅命嵩王圖其狀戒所使曰依此樣求之開鑿隨人化幽陰爲律喧遠移難得樹立

變舊荒園絕塞通潛徑平泉占上原煙霞遙在想簿領

益爲繁丹禁虛東閣蒼生望北轅徒令雙白鶴五里自

翻翻

御定全唐詩卷六劉禹錫十

省試風光草際浮

熙熙春景霽草綠春光麗的歷亂相鮮  
葳蕤互虧蔽乍疑芊綿裏稍動丰茸際  
影碎翻崇蘭浮香轉叢蕙含煙絢碧綵  
帶露如珠綴幸因採掇日况此臨芳歲

歷陽書事七十韻

長慶四年八月余自夔州轉歷陽浮岷山  
觀洞庭歷夏口涉潯陽而東友人崔敦詩  
罷丞相鎮宛陵緘書來招曰必我覲而之  
藩不十日飲不置子故

余自池州道宛陵如其素敦詩出祖於敬  
亭祠下由姑孰西渡江乃吾園也至則考  
圖經參見事爲之詩俟采風之夜諷者

一夕爲湖地千年列郡名霸王迷路處亞父所封城漢

置東南尉梁分肘腋兵本吳風俗剽兼楚語音侖沸井

今無湧烏江舊有名上臺遊柱史石室隱彭鏗

老道楚有臺在焉

彭鏗石室在合山縣

曹操祠猶在濡須塢未平海潮隨月大江水應

春生憶昨深山裏終朝看火耕魚書來北闕鷓首下南

荆雲雨巫山暗蕙蘭湘水清章華樹已失鄂渚草來迎

廬阜香爐出湓城粉堞明鴈飛彭蠡暮鴉噪大雷晴平

野分風使恬和赴夜程貴池登陸峻春穀渡橋鳴駱驛

主人問悲歡故舊情幾年方一面卜晝便三更助喜杯

盤盛忘機笑語匄管清疑警鶴弦巧似嬌鶯織炭烘躡

獸華茵織鬪鯨回裾飄霧雨急節墮瓊英斂黛凝愁色



施鈿耀翠晶容華本南國妝束學西京日落方收鼓天  
寒更炙笙促筵交履舄痛飲倒簪纓謔浪容優孟嬌憐  
許智瓊蔽明添翠帟命燭挂一作挂金莖坐久羅衣皺盃頻  
粉面駢興來從請曲意墮郎飛觥令急重須改歡馮醉  
盡呈詰朝還選勝來日又尋盟道別殷勤惜邀筵次第  
爭唯聞嗟短景不復有餘醒眾散扃朱戶相攜話素誠  
晤言猶疊疊殘漏自丁丁出祖干夫擁行廚五熟烹離  
亭臨野水別思入哀箏接境人情洽方冬饌具精中流  
爲界道隔岼數飛豐沙浦王渾鎮滄洲謝眺城望夫人  
化石夢帝日環營半渡趨津吏緣堤簇郡毗場黃堆晚  
稻籬碧見冬菁里社爭來獻壺漿各自擊鷗夷傾底寫

枚拒鬪成

字缺

采石風傳析新林暮擊鉦繭綸牽撥刺犀

焰照澄泓露冕觀原野前驅抗旆旌分庭展寶主望闕

拜恩榮比屋惇癸輩連年水旱并遐思常後已下令必

先庚遠岫低屏列支流曲帶縈湖魚香勝肉官酒重於

錫憶昔泉源變斯須地軸傾雞籠爲石顆龜眼入泥坑

事繫人風重官從物論輕江春俄澹蕩樓月幾虧盈柳

長千絲宛田塍一線耕遊魚將婢從野雉見媒礪波淨

攢鳧鵲洲香發杜蘅一鍾菰葑米千里水葵羹受譴時

方人分憂政未成比瓊雖碌碌於鐵尙錚錚早忝登三

署會聞奏六英無能甘負弩不慎在提衡口語成中邁

毛衣阻上征時聞闕利鈍智亦有聾盲昔媿山東妙今

慙海內兄後來登甲乙早已在蓬瀛心托秦明鏡才非  
楚白珩齒衰親藥物宦薄傲公卿捧日皆元老宣風盡  
大彭好令朝集使結束赴新正

和武中丞秋日寄懷簡諸僚故

退朝還公府騎吹息繁陰吏散秋庭寂烏啼煙樹深威  
生奉白簡道勝外華簪風物清遠目功名懷寸陰雲衢  
念前侶綵翰寫冲襟涼菊照幽徑敗荷攢碧潯感時江  
海思報國松筠心空愧壽陵步芳塵何處尋

和令狐相公春日尋花有懷白侍郎閣老

芳菲滿雍州鸞鳳許同遊花逕須深入時光不少留色  
鮮由樹嫩枝亞爲房稠靜對仍持酒高看特上樓晴宜

連夜賞雨便一年休共憶秋官處餘霞曲水頭

此詩實兩聯一平於其辭殊有遺餘而欲觀

全唐詩

劉禹錫

荊州歌二首

渚宮楊柳暗麥城朝雉飛可憐踏青伴乘暖著輕衣  
今日好南風商旅相催發沙頭檣竿上始見春江濶

紀南歌

風煙紀南城塵土荆門路天寒多獵騎

一作獵獸者

走上樊姬

墓

視刀環歌

常恨言語淺不如人意深今朝兩相視脈脈萬重心

三閣辭四首

吳聲

賈人三閣上日晏未梳頭不應有恨事嬌甚却成愁

珠箔曲瓊鉤仔

一作子

細見揚州北兵那得度浪話判

一作聲悠

悠

沉香帖閣柱金縷畫門

一作閣

楣回首降幡下已見黍雞離

三人出睥井一身登檻車朱門漫臨水不可一作得見鱸魚

紇那曲二首

楊柳鬱青青竹枝無限情周

一作同

郎一回顧聽唱紇那聲

踏曲與無窮調同詞不同願郎千萬壽長作主人翁

淮陰行五首

并引

古有長干行言三江之事悉矣余嘗阻風淮陰作

淮陰行以裨樂府

簇簇淮陰市竹樓緣岸上好日起檣竿烏飛鷺五兩  
今日轉船頭金烏指西北煙波與春草千里同一色

船頭大銅環摩挲光陣陣早早一作晚使風一作蟻來沙頭一眼

認

何物令儂羨羨郎船尾燕銜泥趑檣竿宿食長相見

隔浦望行船頭昂尾幃幃無奈晚來一作棹時清淮春浪軟

渾侍中宅牡丹

徑尺千餘朶人間有此花今朝見顏色更不向諸家

詠紅柿子

曉連星影出晚帶日光懸本因遺采掇一作摘翻自保天年

文獻通考呂八見寄郡內書懷因而戲和



文苑振金聲循良冠百城不知今史氏何處列君名

秋風引

何處秋風至蕭蕭送鴈羣朝來入庭樹孤客最先聞

柳花詞三首

開從綠條上散逐香風遠故取花落時悠揚占春晚  
輕飛不假風輕落不委地撩亂舞晴空發人無限思  
晴天闇闇雪來送青春暮無意似多情千家萬家去

路傍曲

南山宿雨晴春入鳳凰城處處聞弦管無非送酒聲

君山懷古

屬車八十一此地阻長風千載威靈盡赭山寒水中

庭竹

露滌鉛粉節風搖青玉枝依依似君子無地不相宜

唐郎中宅與諸公同飲酒看牡丹

今日花前飲甘心醉數杯但愁花有語不爲老人開

題壽安甘棠館二首

公館似仙家池清竹徑斜山禽忽驚起衝落半巖花  
門前洛陽道門裏桃花路塵土與煙霞其間十餘步

古詞二首

一作調古

軒后初冠冕前旒爲蔽明安知從複道然後見人情  
簿領乃俗士清談信古風吾觀蘇合綽朱墨一何工

寓興二首

常設卽至理安事非常情寄語何平叔無爲輕老生  
世途多禮數鵬鷃各逍遙何事陶彭澤拋官爲折腰

詠史二首

驃騎非無勢少卿終不去世道劇頽波我心如砥柱  
賈生明王道衛綰工車戲同遇漢文時何人居貴位

經檀道濟故壘

萬里長城壞荒營野草秋秣陵多士女猶唱白符鳩

人歌曰可憐白符  
鳩枉殺檀江州

傷段右丞

江湖舊游  
南宮交代

江海多豪氣朝廷有直聲何言馬蹄下一旦是佳城

傷獨孤舍人

并引

貞元中余以御史監祠事河南獨孤生始仕爲奉  
禮郎有事宗廟郊時必與之俱繇是甚熟及余謫  
武陵九年間獨孤生仕至中書舍人視草禁中上  
方許以宰相元和十年春余祇召抵京師次都亭  
日舍人以疾不起余聞因作傷詞以爲弔

昔別矜

一作

年少今悲喪國華遠來同社燕不見早梅花

再傷龐尹

京兆歸何處章臺空暮塵可憐鸞鏡下哭殺畫眉人

敬酬微

一作

公見寄二首

淒涼沃州僧顛顛柴桑宰別來二十年唯餘兩心在  
越江千里鏡越嶺四時雪中自有逍遙人夜深觀水月

鄂渚留別李二十一表臣大夫

高檣起行色促樹動離聲欲問江深淺應如遠別情

荅表臣贈別二首

昔爲瑤池侶飛舞集蓬萊今作江漢別風雪一徘徊  
嘶馬立未還行舟路將轉江頭曠色深揮袖依稀見

始發鄂渚寄表臣二首

祖帳管弦絕客帆西風生回車已不見猶聽馬嘶聲  
曉發柳林戍遙城聞五鼓憶與故人眠此時猶晤語

出鄂州界懷表臣二首

離席一揮杯別愁今尙醉遲遲有情處却恨江帆駛  
夢覺疑連榻舟行忽千里不見黃鶴樓寒沙雪相似

和遊房公舊竹亭聞琴絕句

尚有竹間路永無綦下塵一聞流水曲重憶餐霞人

西州李尚書知愚與元武昌有舊遠示二篇吟

之泣然因以繼和二首

來詩云元公合陳從事求蜀琴將以爲寄而武昌之詠聞因陳生會并

如何贈琴日已是絕弦時無復雙金報空餘挂劍悲

寶匣從此閉

不在

朱弦誰復調祇應隨玉樹同向土中銷

別蘇州二首

三載爲吳郡臨岐祖帳開雖非謝桀黠且爲一裘回

流水閨門外秋風吹柳條從來送客處今日自魂銷

罷和州遊建康

秋水清無力塞山暮多思官閑不計程徧上南朝寺

九日登高

世路山河險君門煙霧深年年上高處未省不傷心

蒼椰子厚

年方伯玉早恨北四愁多會待休車騎相隨出爵羅

館娃宮在舊郡西南硯石山前瞰姑蘇臺傍有

采香徑梁天監中置佛寺曰靈巖即故宮也信

爲絕境因賦二章

宮館貯嬌娃當時意大誇豔傾吳國盡笑入楚王家

月殿移椒壁天花代舜華唯餘采香徑一帶繞山斜

全唐詩

劉禹錫

聽琴

一作聽  
僧彈琴

禪思何妨在玉琴，真僧不見聽時心。  
秋堂境寂夜方半，雲去蒼梧湘水深。

魏宮詞二首

日晚長秋簾外報，望陵歌舞在明朝。  
添爐欲爇衣麤，憶得分時一作欲不忍燒。  
添爐火

日映西陵松柏枝，下臺相顧一相思。  
朝來樂府長歌曲，唱著君王自作詞。

楊枝詞二首

劉禹錫

詩

三

雙峰書屋



迎得春光先到來，淺黃輕綠映樓臺。只緣嫋娜多情思，

更被春風長倩猜。

一作請接一作便  
被春風長捲攏

巫峽巫山楊柳多，朝雲暮雨遠相和。因想陽臺無限事，

爲君回唱竹枝歌。

一作柳枝歌

竹枝詞二首

楊柳青青江水平，聞郎江上唱歌聲。東邊日出西邊雨，

道是無晴。

一作情却  
一作還有晴。

一作情

楚水巴山江雨多，巴人能唱本鄉歌。今朝北客思歸去，

回入紆那披綠羅。

隄上行三首

酒旗相望大隄頭，堤下連檣堤上樓。日暮行人爭渡急，

漿聲幽

一作伊

軋滿中流

江南江北望煙波。入夜行人相應歌。桃葉傳情竹枝怨。水流無限月明多。

春堤繚繞水徘徊。酒舍旗亭次第開。日晚上樓

一作出簾

招估

客軻。戛去扁。落颿來

踏歌詞

一作行

四首

春江月出大堤平。堤上女郎連袂行。唱盡新詞歡

一作看不

見。紅霞映

一作影

樹鷓鴣鳴。

桃蹊柳陌好經過。燈下妝成月下歌。爲是襄王故宮地。至今猶自細腰多。

此首一作張籍無題詩

新詞宛轉遞相傳。振袖傾鬟風露前。月落烏啼雲雨散。

遊童陌上拾花鈿

元詩

日暮江頭

一作

聞竹枝南人行樂北人悲自從雪裏唱新

曲直到三春花盡時

步虛詞二首

阿母種桃雲海際花落子成三

一作

千歲海風

一作

吹折最

繚枝跪捧瓊

一作

盤獻天帝

華表千年一鶴

一作

歸凝丹爲頂雪爲衣星星仙語人聽

盡却向五雲翻翅飛

阿嬌怨

望見葳蕤舉翠華試開金屋掃

一作

庭花須臾宮女傳來

信言

一作

幸平陽公主家

秋詞二首

自古逢秋悲寂寥。我言秋日勝春朝。晴空一鶴排雲上。便引詩情到碧霄。

山明水淨夜來霜。數樹深紅出淺黃。試上高樓清入骨。豈如春色嗾人狂。

秋扇詞

莫道恩情無重來。人間榮謝遞相催。當初初入君懷袖。豈念寒爐有死灰。

竹枝詞九首

并引

四方之歌異音而同樂。歲正月余來建平里中兒。隣歌竹枝吹短笛。擊鼓以赴節。歌者揚袂睢舞以

曲多爲賢聆其音中黃鐘之羽卒章激訐如吳聲  
雖僮儻不可分而含思宛轉有淇澳之豔音昔屈  
原居沅湘間其民迎神詞多鄙陋乃爲作九歌到  
于今荆楚歌舞之故余亦作竹枝九篇俾善歌者  
吳興颺之附于末後之聆巴歛知變風之自焉

白帝城頭春草生。白鹽山下蜀江清。南人上來歌一曲。  
北人莫上動鄉情。

山桃紅花滿上頭。蜀江春水拍山流。花紅易衰似郎意。  
水流無限似儂愁。

江上朱樓新雨晴。瀼西春水穀紋生。橋東橋西好楊柳。  
人來人去唱歌行。

日出三竿春霧消。江頭蜀客駐蘭橈。憑一作寄狂夫書一  
紙家住成都萬里橋。

兩岸山花似雪開。家家春酒滿銀杯。昭君坊中多女伴。  
永安宮外踏青來。

城西門前滸瀕推。年年波浪不能摧。推一作懊惱一作人心不  
如石。少時東去復西來。

瞿塘嘈嘈十二灘。人言一作道路古來難。長恨人心不如  
水。等閒平地起波瀾。

巫峽蒼蒼煙雨時。清猿啼在最高枝。箇裏愁人腸自斷。  
由來不是此聲悲。

山上層層桃李花。雲間煙火是人家。銀釧金釵來負水。

長刀短笠夫燒畝。

楊柳枝詞九首

塞北梅花羌笛吹。淮南桂樹小山詞。請君莫奏前朝曲。聽唱新翻楊柳枝。

南陌東城春早時。相逢何處不依依。桃紅李白皆誇好。須得垂楊相發揮。

鳳闕輕遮翡翠幃。龍池遙望麴塵絲。御溝春水相一作柳輝映。狂殺長安年少兒。

金谷園中鶯亂飛。銅駝陌上好風吹。城中一作東桃李須臾盡。爭似垂楊無限時。

花萼樓前初種時。美人樓上鬪腰肢。如今拋擲長一作上街

裏露葉如啼欲向一作誰

場帝行宮沐水濱。敷枝一作楊一作柳不勝春。晚一作來風起

花如雪。飛入宮牆不見人。

御陌青一作門拂地垂。千條金縷萬條絲。如今縮作同心

結。將贈行人知不知。

城外春風吹一作酒旗。行人揮袂日西時。長安陌上無窮

樹。唯有垂楊管別離。

輕盈嫋娜占年華。舞榭妝樓處處遮。春盡絮花一作留不

得。隨風好去落誰家。

### 浪淘沙九首

九曲黃河萬里沙。浪淘風簸自天涯。如今直上銀河去



同判牽牛織女家

天孫織女自天墜時今直上與西去

洛水橋邊春日斜碧流清

作

淺見瓊砂無端陌上狂風

急驚起鴛鴦出浪花

沐水東流虎眼紋清淮曉色鳴頭春君看渡口淘沙處

渡却人問多少人

鸚鵡洲頭浪颭沙青樓春望日將斜銜泥燕子爭歸舍

獨自狂夫不憶家

一作張籍詩

濯錦江邊兩岸花春風吹浪正淘沙女郎剪下鴛鴦錦

將向中流正晚霞

不似人

日照澄洲江霧開淘金

一作沙

女伴滿江隈美人首飾侯王

印盡是沙中浪底來

八月濤聲吼地來，頭高數丈觸山回。  
須臾却入海門去，捲起沙堆似雪堆。  
莫道譏言如浪深，莫言遷客似沙沉。  
千淘萬漉雖辛苦，吹盡狂沙始到金。  
流水淘沙不暫停，前波未滅後波生。  
令人忽憶瀟湘渚，回唱迎神三兩聲。

洛中送韓七中丞之吳興口號五首

昔年意氣結羣英，幾度朝回一字行。

一作天

南零落

盡兩人相見洛陽城。

自從雲散各東西，每日歡娛却慘淒。  
離別苦多相見少，

一生心事在書

一作詩題

今朝無意訴離杯，何況清弦急管催。  
本欲醉中輕遠別，不知翻引酒悲來。

駱駝橋上蘋風急

在起

鸚鵡杯中箬下春，水碧山青知好

處，開顏一笑向何人。

溪中士女出箬籬，溪上鴛鴦避畫旗。  
何處人間似仙境，春山攜妓採茶時。

送廖參謀東遊二首

九陌逢君又別離，行雲別鶴本無期。  
望嵩樓上忽相見，看過花開花落時。

籜花落盡君辭去，綠草垂楊引征路。  
東道諸侯皆故人，留連必是多情處。

洛中春末送杜錄事赴蘄州

樽前花下長相見，明日忽爲千里人。  
君過午橋回首望，

洛城一作陽猶自有殘春。

夜燕福建盧侍郎一作常宅因送之鎮

暫駐旌旗洛水堤，綺筵紅燭醉蘭闈。  
美人美酒長相逐，莫怕猿聲發建溪。

重送鴻舉師赴江陵謁馬逢侍御

西北秋風凋蕙蘭，洞庭波上碧雲寒。  
茂陵才子江陵住，乞取新詩合掌看。

贈長沙讚頭陀

外道邪山千萬重，真言一發盡摧峰。  
有時明月無人夜，

獨向昭潭制惡龍

送霄韻上人遊天台

一作寶韻上人

曲江僧向松江見  
又到天台看石橋  
鶴戀故巢雲戀岫  
比君猶自不逍遙

臺城懷古

清江悠悠王氣沉  
六朝遺事何處尋  
宮牆隱嶙園野澤  
鸛鷓夜鳴秋色深

戲贈崔千牛

學道深山許一作虛老人  
留名萬代不關身  
勸君多買長安

酒南陌東坡占取春

揚州春夜李端公益張侍御登段侍御平路一作仲

密縣李少府暘秘書張正字復元同會於水館

對酒聯句追刻燭擊銅鉢故事遲輒舉觥以飲

之逮夜艾羣公沾醉紛然就枕余偶獨醒因題

詩於段君枕上以志其事

一作揚州春夜同會水館夜艾獨醒

寂寂獨看金燧落紛紛只見玉山頽自羞不是高陽侶

一夜星星

一作

騎馬回

逢王十二學士入翰林因以詩贈

時貞元二十二年以監田尉充學士

廐馬翩翩禁外逢星槎上漢杳難從定知欲報淮南詔

促召王褒入九重

闕下口號呈柳儀曹

綵仗神旗獵曉風雞人一唱鼓蓬蓬

一作蓬蓬

銅壺漏水何時

欲如此相催郎老翁

人

監祠夕月壇書事

其禮用畫

西緯司分晝夜平羲和停午太陰生鏗鏘

一作鏘

揖讓秋光

裏觀者如雲山鳳城

元和甲午歲詔書盡徵江湘逐客余自武陵赴

京宿於都亭有懷續來諸君子

雷一作花雨江山

一作湖

起卧龍武陵樵客躡仙蹤十年楚水

楓林下今夜初聞長樂鐘

元和十一年自朗州召至京戲贈看花諸君子

紫陌紅塵拂面來無人不道看花回元都觀裏桃千樹

盡是劉郎去

一作別

後栽

再遊元都觀

并引

余貞元二十一年爲屯田員外郎時此觀未有花  
是歲出牧連州尋貶朗州司馬居十年召至京師  
人人皆言有道士手植仙桃滿觀如紅霞遂有前  
篇以志一時之事旋又出牧今十有四年復爲主  
客郎中重遊元都觀蕩然無復一樹唯兔葵燕麥  
動搖於春風耳因再題二十八字以俟後遊時大

和二年三月

百畝庭中半是苔桃花淨

一作開一作落

盡菜花開種桃道士歸

何處前度劉郎今又

一作獨來

與歌者米嘉榮



唱得涼

一作

州意外聲舊人唯數

一作有

米嘉榮近來時世

步輕先

一作

輩好染髭鬚事後生

一作一別嘉榮三十載忽聞舊曲尚依然如今世俗輕前輩好染髭鬚事少年

望夫石

山正對和州郡樓

終日望夫夫不歸化爲孤石苦相思望來已是幾千載

只似當時

一作

初望時

再思二十八年

聽舊宮中樂人穆氏唱歌

曾隨織女渡天河記得雲間第一歌休唱貞元供奉曲

當時

一作

朝士已無多

金陵五題

井序

余少爲江南客而未遊秣陵嘗有遺恨後爲歷陽

守跋而望之適有客以金陵五題相示適爾生思

歛然有得。他日友人白樂天掉頭苦吟。歎賞良久。且曰。石頭詩云。潮打空城寂寞回。吾知後之詩人。不復措辭矣。餘四詠。雖不及此。亦不孤樂天之言耳。

石城頭

山圍故國周遭在。潮打空城寂寞回。淮水東邊舊時月。夜深還過女牆來。

烏衣巷

朱雀橋邊野草花。烏衣巷口夕陽斜。舊時一作王謝堂前燕。飛入尋常百姓家。

臺城

臺城六代競豪華。結綺臨春事最奢。萬戶千門成野草。  
只緣一曲後庭花。

宋香齋先生公講堂

生公說法鬼神聽。身後空堂夜不扃。高坐寂寥塵漠漠。  
一方明月可中庭。

山園題圖江令宅

南朝詞臣北朝客。歸來唯見秦淮碧。池臺竹樹三畝餘。  
至今人道江家宅。

韓信廟

將略兵機命世雄。蒼黃鍾一作漢室歎良弓。遂令後代登壇  
者。每一尋思怕立功。

李賈二大諫拜命後寄楊八壽州

諫省新登二直臣，萬方礪喜捧絲綸。則知天子明如日，肯放淮南在高卧人。

美温尚書鎮定興元以詩寄賀

旌旗入境犬無聲，戮盡鯨鯢漢水清。從此世人開耳目，始知名將出書生。

酬瑞

石州

吳大夫夜泊湘川見寄一絕

夜泊湘川逐客心，月明猿苦血沾襟。湘妃舊竹痕猶淺，從此因君染更深。

徵還京師見舊番官馮叔達

前者匆匆襍被行，十年憔悴到京城。南宮舊吏來相問

何處淹留白髮生

與歌者何戡

二十餘年別帝京重聞天樂不勝情舊人唯有何戡在

更與殷勤唱渭城

與歌童田順郎

天下

作能

龍歌御史娘花前葉

作月

底奉君王九重深處

無人見分付新聲與順郎

燕爾館破屏風所畫至精人多歎賞題之

畫時應遇空亡日賣處難逢識別

去聲

人唯有多情往來

客強將衫袖拂埃塵

賞牡丹

庭前芍藥妖無格池上芙蓉淨少情  
唯有牡丹真國色花開時節動京城

題歌器圖

秦國功成思稅駕晉臣名遂歎危機無因上蔡牽黃犬  
願作丹徒一布衣

傷桃源薛道士

一作薛道士

壇邊松在鶴巢空白鹿閑行舊徑中  
手植紅桃千樹發滿山無主任春風

王思道碑堂下作

蒼蒼宰樹起寒煙尙有威名海內傳  
四府舊聞多故吏幾人垂淚拜碑前

傷愚溪三首

并引

故人柳子厚之謫永州得勝地結茅樹蔬爲沼沚  
爲臺榭目曰愚溪柳子沒三年有僧遊零陵告余  
曰愚溪無復曩時矣一聞僧言悲不能自勝遂以  
所聞爲七言以寄恨

溪水悠悠春自來草堂無主燕飛回  
隔簾惟見中庭草  
一樹山榴依舊開

草聖數行留壞壁木奴千樹屬鄰家  
唯見里門通德勝  
殘陽寂寞出樵車

柳門竹巷依依在野草青苔日日  
多縱有鄰人解吹

笛山陽舊侶

一作

更誰過

天樂傳心湖柳竹山氏與國

傷循州渾尚書

貴人淪落路人哀碧海一作水連天丹旆回遙想長安此時

節朱門深巷百花開

代靖安佳人怨二首 并引

靖安丞相武公居里名也元和十一年六月公將朝夜漏未盡三刻騎出里門遇盜薨于牆下初公爲郎余爲御史繇是有舊故今守遠服賤不可以誅又不得爲歌詩聲于楚挽故代作佳人怨以裨于樂府云

寶馬鳴珂踏曉塵魚文七首犯車茵適來行哭里門外昨夜華堂歌舞人



秉燭朝天遂不回路人彈指望高臺  
精烹便是傷心地  
夜夜流一作秋螢飛去來

碧澗寺見元九侍御和展上人詩有三生之句

因以和

廊下題詩滿壁塵塔前松樹已皴鱗  
古來唯有王文度  
重見平生竺道人

思黯南墅賞牡丹

偶然相遇人間世合在增城阿姥家  
有此傾城好顏色  
天教晚發賽諸花

和浙西尚書聞

此編

常州楊給事製新樓因寄之

作

文昌

一作星

象盡東來油幕朱門次第開且上新樓看

風月會乘雲雨一時回

尙書在南宮爲左丞給事與禹錫皆是御史

後梁宣明二帝碑堂下作

玉馬朝周從此辭園陵寂寞對豐碑千行宰樹荆州道

暮雨蕭蕭聞子規

贈李司空妓

一作禹錫赴吳臺揚州大司馬杜公鴻漸開宴命妓侍酒 本事詩云李紳罷鎮在京慕劉名嘗邀至第中厚

設飲餞酒酬命妓妙歌以送之劉於席上賦詩李因以投贈之 崔令及教切記云杜韋娘歌曲名非殊姓名也

高髻雲鬟

一作髮髻與梳頭

宮樣妝春風一曲杜韋娘司空見

慣渾閑事斷盡

一作懶亂

蘇州刺史嗚

和西川李尙書傷孔雀及薛濤之什

玉兒已逐金環葬翠羽先隨秋草萎唯見芙蓉含曉露

數行紅淚滴清池

後魏元樹南陽王禧之子南陽到建業數年後北歸愛姬朱玉兒脫金指環爲贈樹至魏却以指環寄玉

兒示有  
還意

同樂天登樓靈寺塔

步步相攜不覺難  
九層雲外倚闌干  
忽然笑語半天上  
無限遊人舉眼看

有所嗟二首

一作元稹詩  
題作所思

庾令樓中初見時  
武昌春柳似腰肢  
相逢相笑一作失盡如  
夢爲雨爲雲  
今不知

鄂渚濛濛煙雨微  
女郎魂逐暮雲歸  
只應長江漢陽渡  
化作鴛鴦一隻飛

和裴相公傍水閑行

爲愛逍遙第一篇時時閑步賞風煙看花臨水心無事  
功業成來二十年

杏園花下酬樂天見贈

二十餘年作逐臣歸來還見曲江春遊人莫笑白頭醉  
老醉花間有一作能幾人

和樂天春詞

新妝面

一作粉

面下朱樓深鎖春光一院愁行到中庭數花

朶蜻蜓飛上玉搔頭

和巖給事聞唐昌觀玉蘂花下有游仙一作仙游二絕

玉女來看玉蘂花異香先引七香車攀枝弄雪時迴顧  
驚怪人間日易斜

霽藥瓊絲

一作

滿院春衣輕步步

一作羽衣輕步

不生塵君平簾下

徒相問長伴吹簫別有人

### 憶樂天

尋常相見意殷勤別後相思

一作

夢更頻每遇登臨好風

景羨他天性少情人

### 醉答樂天

洛城洛城何日歸

故人故人

今轉稀

莫嗟雪裏暫時別

終擬雲間相逐飛

虎邱寺見元相公二年前題名愴然有詠

前年滄橋送之

武

滌水送君君不還見君題字虎邱山因知早貴兼才子

不得多時在世間

寄贈小樊

花面丫頭十三四春來綽約向人時終須買取名一作多春

草處處將行一作來一作相將步步隨

吟樂天自問愴然有作

親友關心皆不見風光滿眼倍一作獨傷神洛陽城裏多池

館幾處花開有主人

和令狐相公別牡丹

平章宅裏一欄花臨到開時不在家莫道兩京非遠別

春明門外郎天涯

和令狐相公聞思帝鄉有感一本題上有感字

當初造曲者爲誰說得思鄉戀闕時  
滄海西頭舊丞相  
停杯處分釵不須吹

酬令狐相公見寄

羣玉山頭住四年  
每聞笙鶴看諸仙  
何時得把浮邱袖  
白日將昇第九天

令狐相公春思見寄

一紙書封四句詩  
芳晨對酒遠相思  
長吟盡日西南望  
猶及殘春花落時

城內花園頗會遊  
翫令公居守亦有素期適春  
霜一夕委謝書實以荅令狐相公見諱

樓下芳園最占春  
年年結侶採花頻  
籛霜一夜相撩泊

不似佳人似老人

奉和裴晉公涼風亭睡覺

驪龍睡後珠元在仙鶴行時步又輕  
方寸瑩然無一事水聲來似玉琴聲

蒼裴令公雪中訝白二十二與諸公不相訪之

什

玉樹瓊樓滿眼新的知開閣待諸賓  
遲遲未一作去非無意擬作梁園坐右人

吳方之見示聽江西故吏朱幼恭歌三篇頗有

懷故林之想吟諷不足因而和之

一作和人倦江西故吏歌

侯家故吏歌聲發逸處能高怨處低  
今歲洛中無雨雪



眼前風景是江西

裴令公見示誚樂天寄奴買馬絕句斐言仰和

且戲樂天

常奴安得似方回爭望追風絕足來若把翠娥酬騷耳

一作始知天下有奇才

酬思黯代書見戲

一作酬牛相見寄

官冷如漿病滿身凌寒不易過

一作過

天津少年留取一作多

情興請待花時一作主人

荅張侍御賈喜再登科後自洛赴上都贈別

又被時人寫姓名春風引路入京城知君憶得前身事

分付鶯花與後生

赴連州途經洛陽諸公置酒相送張員外賈以  
詩見贈率爾酬之

謫在三湘最遠州邊鴻不到水南流如今暫寄嶠前笑  
明日辭君步步愁

贈元九侍御文石枕以詩獎之  
文章似錦氣如虹宜薦華簪綠殿中縱使涼飈生旦夕  
猶堪拂拭愈頭風

酬元九院長自江陵見寄  
無事尋花至仙境等閑栽樹比封君金門通籍真多士  
黃紙除書每日聞

酬楊侍郎憑見寄

翔鸞闕底謝皇恩  
纓上滄浪舊水痕  
疎傳揮金忽相憶  
遠擊長句與招魂

酬馬大夫登涯口戍見寄

一作酬海南馬大夫  
一作涯口一作涯口

新辭將印拂朝纓  
臨水登山四體輕  
猶念天涯未歸客  
瘴雲深處守孤城

文章若揚八敬之絕句

揚時亦  
謫居

飽霜孤竹聲偏切  
帶火焦桐韻本悲  
今日知音一留聽  
是君心事一作不平時

重寄表臣二首

對酒臨流奈別何  
君今已醉一作我  
蹉跎分明記取星星

鬢他日相逢應更多

世間人事有何窮，過後思量盡是空。早晚回歸洛陽陌，

卜隣須

願

近祝雞翁

重寄絕句

一作寄唐州揚八

淮西既是平安地，鴉路今無羽檄飛。聞道唐州最清靜，  
戰場耕盡野花稀。

酬楊八副使將赴湖南途中見寄一絕

知逐征南冠楚材，遠勞書信到陽臺。明朝若上一作到君山

上

一作望

一道巴江自此來

遙和韓睦州元相公二君子

玉人紫綬相輝映，却要霜鬚一作髯一兩莖。其奈無成空老

去，每臨明鏡若爲情。

吳興敬郎中見惠斑竹杖兼示一絕聊以謝之  
一莖炯炯琅玕色數節重重玳瑁文拄到高山未登處  
青雲路上願逢君

奉和裴令公夜宴

天下蒼生望不休東山雖有但時游從在來海上仙桃

樹肯逐人間風露秋

秋夜安國觀聞笙

織女分明銀漢秋桂枝梧葉共飈颺  
月露滿庭人寂寂霓裳一曲在高樓

酬僕射牛相公晉國池上別後至甘棠館忽夢

同游因成口號見寄

已嗟池上別魂驚，忽報夢中攜手行。此夜獨歸還乞夢，  
老人無睡到天明。

裴侍郎大尹雪中遺酒一壺兼示喜眼疾平一  
絕有閑行把酒之句斐然仰酬

卷盡輕雲月更明，金籠不用且閑行。若傾家釀招來客，  
何必池塘春草生。

和滑州李尙書上巳憶江南禊事

白馬津頭春日遲，沙州歸鴈拂旌旗。柳營唯有軍中戲，  
不似江南三月時。

酬柳柳州家雞之贈

日日臨池弄小雛，還思寫論付官奴。柳家新樣元和脚，

且盡薑芽斂

錫作手徒

荅前篇

小兒弄筆不能嗔  
凝壁書窓且當

賞作

勤聞彼夢能猶未

兆女中誰是衛夫人

荅後篇

昔日慵工記姓名  
遠勞辛苦寫西京  
近來漸有臨池興  
爲報元常欲抗行

重荅柳柳州

弱冠同懷長者憂  
臨岐回想盡悠悠  
耦耕若便遺身老  
黃髮相看萬事休

登清暉

輝樓

潯陽江色潮添滿  
彭蠡秋聲鴈送來  
南望廬山千萬仞  
共誇新出棟梁材

赴和州於武昌縣再遇毛仙翁十八兄因成一

人坐不絕

武昌山下蜀江東  
重向仙舟見葛洪  
又得案前親禮拜  
大羅天訣玉函封

寄毘陵楊給事三首

揮毫起制來東省  
躡足修名謁外臺  
好著橐鞬莫惆悵  
出文人武是全才  
曾主魚書輕刺史  
今朝自請左魚來  
青雲直上無多地  
却要斜飛取勢回



東城南陌昔同游坐上無人第二流屈指如今已零落

且酒歡喜

一作

鄰州

出文入陪崔大尚書及諸閣老宴杏園

更將何面上春臺百事無成老又催唯有落花無俗態  
不嫌憔悴滿頭來

大駱天曹剛

西

大弦嘈囀小弦清噴雪含風意思生一聽曹剛彈薄媚  
人生不合出京城

寄湖州韓中丞

老郎日日憂蒼鬢道守年年厭白蘋終日相思不相見

長顏

一作

相見是何人

楊柳枝

楊子江頭煙景迷，隋家宮樹拂金堤。  
嵯峨猶有一作是常時色，半蘸波中水鳥棲。

出順郎歌

清歌不是世間音，玉殿嘗聞一作開稱主心。  
唯有順郎全學得，一聲飛出九重深。

夜聞商人船中箏

大編高帆一百尺，新聲促柱十三弦。  
揚州市裏商人女，來占江西明月天。

聞道士彈思歸引

仙公一作翁一奏思歸引，逐客初聞目注然。  
莫怪殷勤悲此

曲越聲長苦已三年

喜康將軍見訪

謫居愁寂似幽棲  
百草當門茅舍低  
夜獵將軍忽相訪  
鷓鴣驚起繞籬啼

贈劉景擢第

湘中才子是劉郎  
望在長沙住桂陽  
昨日鴻都新上第  
五陵年少讓清光

赴連山途次德宗山陵寄張員外

常時並冕奉天顏  
委佩低簪彩仗間  
今日獨來張樂地  
萬重雲水望橋山

嘗茶

生拍芳叢鷹觜芽  
老郎封寄謫仙家  
今宵更有湘江月  
照出菲菲瀟盃花

梁國祠

梁國三郎威德尊  
女巫簫鼓走鄉村  
萬家長見空山上  
雨氣蒼茫生廟門

望洞庭

湖光秋月兩相和  
潭面無風鏡未磨  
遙望洞庭山水翠

一作山翠色

白銀

一作盤

裏一青螺

楊柳枝

春江一曲柳千條  
二十年前舊板橋  
曾與美人橋上別  
恨無消息到今朝

樓上

江上樓高二十梯梯登徧與雲齊人從別浦經年去  
天向平蕪盡處低

洛濱病臥戶部李侍郎見惠藥物謹以文星之

句斐然仰謝

隱几支頤對落暉故人書信到柴扉周南留滯商山老  
星象如今屬少微

故洛城古牆

粉落椒飛知幾春風吹雨灑旋成塵莫言一片危基在  
猶過無窮來往人

句

湖上收宿雨

故國思如此若爲天外心

寄白公並見張鷟主客圖

東

屯滄海闊南讓洞庭寬

秋水詠見紀事

翠粒照晴露

見侯鯨錄

銀花

垂院勝翠羽撼條鈴

雪見天中記